

Mei 23, 2020

www.awemainta.com

www.facebook.com/awemainta

noticia@awemainta.com

583-1400



# AWEMainta

Di acuerdo cu abogado Desiree G. Croes:

## **MINISTER ARMANDO RUDY LAMPE TA MUSTRA FALTA DI RESPET PA SCOLNAN PUBLICO**



*Sigui lesa na pagina 2*

Di acuerdo cu abogado Desiree G. Croes:

## Minister Armando Rudy Lampe ta muestra falta di respet pa scolnan publico



**CU** asombro cabesantenan di diferente scolnan publico a tuma nota di e cambionan proponi dor di Minister di Enseñansa, Armando Rudy Lampe. Den e cambionan aki scolnan publico lo core e riesgo di perde no solamente nan identidad, pero tambe tur trabou cu nan a hinca den e.o nan edificio, nan curriculum y nan alumnonan.

Entre otro Minister Rudy Lampe ta sugerí pa hinca diferente scol publico bou scolnan confesional cu base religioso. Haciendo esaki Minister Rudy Lampe no solamente ta muestra poco consideración pa cu e libertad di escogencia di e mayornan, pero tambe no ta tene cuenta cu e derecho básico riba enseñansa segun nan filosofía di cada estudiante.

E derecho aki ta ancla den nos constitución den articulo I. 20 bou di derechonan basico. Un scol publico ta habri pa tur mucha, di cualkier religión of filosofía di bida, sin haci distinción. Scolnan publico na Aruba a muestra cu nan ta traha riba un nivel kwalitativamente halto y cu bon resultado.

E grupo di cabesantenan di scolnan publico ta sinti cu Minister Rudy Lampe no ta scucha nan cu t'esnan

cu sa kico ta come y bebe den Enseñansa, pero ta ponenan un banda y después ta expect cu cabesantenan sigui'e den un plan sin haya un bon splicacion. Te awor e comunicación tabata un "eenrichtingsverkeer", pues tarea for di Minister den dirección di maestronan sin cu e maestro ta haya oportunidad di duna input.

E ultimo proposición di cambionan a pasa na mes manera, esta sin puntra opinión profesional di e maestro cu na fin dia t'esun cu mester traha cu loke Minister ta propone.

Fuera di esaki e cabesantenan ta lamenta cu net den e temporada difícil cu docente, mayor y estudiante a caba di pasa aden, lo mester sigui un periodo di paz y tranquilidad, enbés di esey Minister Lampe ta trece incertidumbre y intranquilidad cu su cambionan repentino y sin duna splicacion drechi.

Na Hulanda p.e. ora ta fuseer un scol e petición aki mester pasa un toets pa por wordo ehecuta, unda entre mas lo mira cu si e fusie aki ta den bienestar di alumno, docente y enseñansa den su totalidad. No por hisa benta cu scolnan publico ni cu docentenan cu añanan largo a duna nan 100% pa nan scol.

E cabesantenan di scolnan publico pues NO lo acepta e cambionan cu Minister Rudy Lampe ta propone sin mas.

Nan ta sinti cu haciendo esaki nan lo laga tanto e mayornan como nan alumnonan na caya.

P'e motibo ey a acerca un abogado pa guía- y consehanan den nan afán pa proteha nan scolnan contra desicionnan descabeya di e Minister.

Na mes momento nan ta spera cu Minister President, Evelyn Wever-Croes si dunanan oído y para tur plan di Minister Rudy Lampe te ora cu bin mas claridad riba loke por spera di e cambionan aki y cu si berdaderamente e cambionan aki ta den interés di Enseñansa di Aruba y no di Minister Lampe.

Parlamentario Mike de Meza

# Fraccionnan di Gobierno a aproba 30 miyon florin pa Minister Oduber malgasta

Parlamentario di AVP, Mike de Meza den un declaracion duna ta cuestiona con e fraccionnan cu ta apoya Gobierno te dia di awe no a cuestiona kico ex Minister Otmar Oduber a haci cu e 12 miyon florin adicional duna na Serlimar. Esaki a sosode tempo cu Oduber tabatin e cartera bou cual Serlimar ta cay.

Si pone tur hunto e suma adicional duna na Oduber, ta yega casi 30 miyon florin.

Tur esaki aproba pa fraccionnan di MEP, POR y RED cu a “duna apoderacion pa Otmar Oduber malgasta e placa aki”.

Parlamentario Mike de Meza ta bisa cu si no a mal gasta e 30 miyon florin ey, awe e compania di recoge sushi lo no mester a bay Corte pa pidi surseance van betaling, cu ta encera un paro temporal di pagonan (pa tres luna) pa demostra kico nan ta haci.

Esaki ta un stap leu p’e compania bati bancarota, e Parlamentario di AVP ta bisa.

Si mira e caminda cu e Minister tabata hibando Serlimar, tur hende tabata sa cu esaki no tabata un direccion bon.

El a menciona p.e., e contracto firma pa huur di e edificio pa Serlimar na Pos Chiquito, cu ta un edificio cu Gobierno a stop di huur.

Hasta a trata di hinca DTI bek den e edificio pa yuda sponsor di partido y ora cu no a logra, a purba di cera e oficina di Serlimar na San Nicolas, di cual nan ta doño y no ta paga huur p’esaki, y a cera un contract di huur cu bal miles di florin pa aña.

E sucedido aki ta similar n’e mesun proyecto cu Otmar Oduber a bini cu’ne pa Sero Teishi, y mescos cu dump.

“E no tabatin ningun intencion pa drecha e situacion, of sali na vanguardia di esnan cu ta biba na Parkietenbos. Un cos so tabata den su mente, cera deal p’e beneficia famia y amigonan di e tres partidonan.

Nan tur tres aproba miyones di florin cu a bay perdi. Nan a papia di un incinerator di 300 miyon dolar y mata tur e otro compania, p’e mes saca beneficio di esaki. Na final ta Serlimar ta sali perhudica.”

E Parlamentario ta puntra unda e sindicatonan cu a para banda di ex Minister Otmar Oduber, ta awe cu Serlimar ta na punto di bati bancarota.



AVP si, e por bisa, a para fuerte contra e decisionnan cu e Minister tabata tuma e tempo ey. Tabatin Booshi Wever, kende pafu di Parlamento a demostra cu e cos aki no ta bon. Hustamente un ex miembro di MEP, kende ta denuncia cu e ta mira con MEP ta laga Otmar Oduber haci e desaster cu e compania di Serlimar.

“Loke a tuma lugar no ta corecto, ta actonan corruptivo. Esaki a pone cu hasta Daphne Lejuez a dicidi di declara su mes independiente debi n’e situacion aki.

Otmar Oduber tambe a pone Serlimar como e prome compania di Gobierno den e situacion debi, cu normalmente ta wordo considera di tin “low risk”. Pero cu e maneho di Otmar Oduber esaki a bira otro, mescos cu cualkier otro compania cu por bati bancarota.

E tin su consecuencia ora cu organisacionnan internacional “rate” companianan di estado, manera SETAR y Utilities. Nan mester demostra cu nan ta “low risk”. Y tur esaki pa actonan di un Minister cu tabata loco den su accion, cu e unico cos importante tabata deal pa su amigo- y sponsernan. Manera cu a sosode cu e procedura pa cu incinerator.

AVP a bin ta denuncia e situacion aki y lo sigui haci denuncia publicamente. Internamente ta bay evalua ki otro paso mester tuma. Normalmente, mirando tur e denunciacionan, Ministerio Publico por actua.

Pero ex Minister Booshi Wever tambe a haci un denuncia. Y si mira cu no ta haci nada, lo bolbe haci un denuncia.

“Nos ta spera cu OM cuminsa cu nan investigacion riba Serlimar, pasobra ta papia aki di miyones di florin,” Mike de Meza a duna di conoce.

# Chauffeur di edad a causa consternacion, momento cu el a nenga stopteken y a manda auto riba Polis



**DIAHUEBS** den oranan di merdia Polis a haya un informacion di un vehiculo cu lo ta coriendo bastante malo. Esaki tabata altura di Imelda Hof.

Mesora un patruya a sali direccion e area eynan y a topa cu e Mitsubishi Lancer color blanco.

E auto tabata bayendo direccion nort.



Chauffeur na stuur di e Mitsubishi dado momento a manda e auto riba Polis. Un agente a herida su man levemente momento cu a logra para e auto. Esaki a sosode dor cu e agente a kibra glas di e auto.

Di parti Cuerpo Policial nos a haya e siguiente relato: “Diahuebs merdia pa mos o menos 12:45 Central ta wordo notifica di un auto Mitsubishi Lancer color blanco coriendo malo y irresponsabel na altura di Imelda Hof. Ta manda patruya di biaha na unda ta topa cu dicho auto y ta dune señal p’e para, pero e chauffeur no ta sigui e ordo di Polis.

Na retonde di Noord e patruya di Strandpolitie ta bin top e Mitsubishi Lancer blanco y ta dune señal p’e para, pero a ignora esaki y ta sigui bay direccion Noord.



Na altura di Ting Zan, dicho auto ta bira y ta bay dal den e patruya di Polis y despues bay dal den cura di cas. E chauffeur a wordo deteni y hiba warda. E auto a wordo confisca pa mas investigacion. E dos coleganan Polis den e patruya ta bon y no a haya nada”.



# Varios patruya di polis a bay Washington pa un pelea grandi



**DIABIERNA** den oranan di mainta algo pasa di 9'or, informacion a drenta di un pelea grandi na un adres na Washington.

Dor di esaki a manda varios unidad di Polis pa dicho adres. Na yegada di patruyanan mesora nan a baha pa averigua un ke otro.

Pero, nan a wordo bisa cu n'e cas unda nan a baha no tin ningun pelea. Den mesun rosea nan a compronde y/of a constata cu tin algun trailer den e cura.

A resulta cu tabatin un problema, pero entre esnan cu ta biba den e trailer y cu esaki a termina caba. Polis a continua nan caminda.



**CORONAVIRUS  
ANNOUNCEMENT**

## CMB ta Reanuda Orarionan y Servicionan

Drentando e siguiente fase di recuperacion di nos isla, desde dialuna 25 di mei, 2020 e siguiente branchnan lo ta habri:

**Main Branch (Playa)**  
**San Nicolas Branch**  
**Noord Smart Branch**  
**Santa Cruz Smart Branch**

**8:00 AM te cu 4:00 PM**

Na tur branch menciona ariba lo reanuda tur servicio.

Como ciudadano corporativo responsabel nos lo sigui mantene protocol y reglanan di distanciamento social pa asina brinda proteccion na nos clientenan como tambe na nos empleadonan.

Danki pa boso comprension.

**HUNTO NOS LO LANTA BEK!**

Ban Combersa

[cmbnv.com](http://cmbnv.com)



522-3000 [bobancoamigo@cmbnv.com](mailto:bobancoamigo@cmbnv.com)

**Amigo**  
Your Online Assistant



[cmbnv.com](http://cmbnv.com)



[cmbnews](https://www.facebook.com/cmbnews)



[cmbnv](https://www.instagram.com/cmbnv)



[bobancoamigo](https://twitter.com/bobancoamigo)

# Yiu drogadicto menasando di kima cas di su mama



## PARTICIPACION IMPORTANTE

En conexcion cu e situation actual di e Virus Covid-19 nos di AWEMainta ta pidi cooperacion di nos clientenan, pa tuma contacto cu nos via nos e-mail nan;

[noticia@awemainta.com](mailto:noticia@awemainta.com)

[toko@awemainta.com](mailto:toko@awemainta.com).

Sales via [sales@awemainta.com](mailto:sales@awemainta.com).

Of via nos telefoon; 583-1400.

Tambe nos ta pidi cooperacion pa por haci tur pago via Online Banking.

Pago nan por wordo haci via nos cuenta bancario di **CMB # 22982600**.

Danki pa e cooperacion di semper.

**DROGA** keto bay ta un problema grandi na Aruba y ta causa hopi dolor y tristesa den varios famia. Esaki tambe tabata e caso ayera diabierna mainta ora Polis a wordo manda cu urgencia pa un adres na Caya Parapete na Savaneta.

Aki un persona adicto a yega na cas di su mama pa puntra sea exigi p'e haya placa. Aunke e mama a bise pa warda pa wak cu kico e por yuda, asina mes e persona aki a cuminsa kibra varios di e bentananan dilanti, na banda y patras n'e cas, mientras menasando cu e lo pega e cas na candela. E mama cu ya caba tabatin varios incidente cu su yiu den pasado, a tene e porta bon sera y Polis a wordo notifica.

Polis a yega rapidamente y e persona a wordo deteni hiba pa warda. Algun bisiña a bin mesora pa duna e mama sosten moralmente. Ta tristo pa nos cubri caso asina, pero necesario p'asina esnan cu tin poder pa tuma cierto paso encuanto adicto, por ta na altura y kisas por haci mas esfuerso pa trata di bin cu solucion.

Riba peticion di e mama su cara no a wordo saca, pasobra con cu bay bin, e tambe ta un victima den esaki y no a pidi pa tur esaki den su vida.

# Accidente un biaha mas riba cruzada conoci na Piedra Plat

**DIARANZON** anochi un accidente a sosode n’e conoci-do cruzada di Piedra Plat pa bay Sero Pita. Mayoria di e acciden-tenan riba e cruzada T aki ta sosode pa falta di preferencia, o sea ta yega bira di-lanti trafico contrario of ta subi caminda sin pone atencion.

Diaranson anochi e no tabata diferente. E dos autonan envol-vi tabata un Hyundai i10 y un Toyota Co-rollera.

E accidente a sosode momento cu e Hyun-dai i10 a dal contra e Toyota cu tabata biniendo for di Santa Cruz.

Chauffeur di e Hyun-dai i10, kende ta un dama a resulta her-ida y mester a ricibi atencion medico. P’e motibo aki a pidi presencia di ambu-lance, y na yegada di Paramediconan nan a atende cu e dama.



**Nos oficina ta habri bek pa cita**

Apreciabel participante, pensionado y demas partido interesa,  
 Fondo General di Pensioen Aruba (APFA) ta habri su oficina bek entrante 25 di mei 2020. Nos oficina lo ta habri di dialuna pa diabierna di 7:30 or – 16:30 or.  
 Pa su reapertura APFA ta sigui e instruccinnan di e autoridadnan concerni pa preveni e plamamento di COVID-19. E siguiente reglanan pa e reapertura ta aplicabel pa tur bishitante.

- Nos ta ricibi bishitante solamente cu cita. Bo por tuma contacto cu nos di dialuna pa diabierna di 7:30 or - 16:30 di e siguiente forma:

Referente	Telefon/celular	E-mailadres
Asunto General	525-2732	info@apfaruba.org
Pensioen General	568-6450 567-0999	servicedesk.pensioen@apfaruba.org
Pensioen Fayecimento	525-2749	
Hipoteca	560-9405 Mariska Lin-Boekhoudt 561-1868 Gisianne Barros 567-0992 Ana Naar 567-0996 Edwin Kleinleugenmors	servicedesk.hypotheke@apfaruba.org

- Bishitante mester atene su mes na e reglanan di distancia social/fisico y higiena
- Bishitante mester usa e handsanitizernan cu nos ta pone disponibel na entrada di nos oficina prome cu drenta
- Por favor no bishita nos oficina si bo tin simptoma di griep. Den e caso aki keda cas y tuma contacto cu nos via telefon of e-mail
- Pa cita nos ta ricibi maximo 2 persona. Un suplica ta bay pa no bin cu mucha
- Pa entrega di documento bo por haci uso di nos brienbus banda di e porta di entrada. Bo por haci uso di e posibilidad aki solamente durante nos orario di trabou.

Aruba ta pasado den un temporada sumamente dificil, pero APFA t’ey pa sigui yuda bo cu cualkier pregunta of preocupacion. Di antemano danki pa bo comprension y cooperacion den esaki.

# Dama na un fiesta lo a wordo maltrata pa un persona y a keda herida na su cara



Liña di telefon pa 60+

280-0505

GRATIS

8 OR DI MAINTA - 8 OR DI ANOCHI

BAN COMBERSA Y NO PREOCUPA

www.freepik.com

**DIAHUEBS** den oranan di madruga, durante un fiesta chikito na un cas, den prome instante a drenta un informacion cu un dama lo cay, pero despues a wordo bisa cu e dama lo a wordo maltrata pa un otro persona.

E dama a haya hopi golpi na su cara y a yama su famia pa bin yud'e, ora nan a mira via celular con su cara a keda, nan a spanta y mesora a bati alarma.

Polis a yega mesora n'e sitio, enberdad nan a topa cu e dama, kende tabata basta herida y a pidi pa presencia di ambulance cu hopi urgencia.

Despues cu personal di ambulance a trata e dama na e sitio, a transport'e pa hospital.



# Elmer Kade Wilsoe involvi den un accidente serio



WILLEMSTAD - Esaki ta consecuencia di je accidente cu ex Gezaghebber y ex Minister Elmer Kade Wilsoe a sufri diarazon atardi ora cu e no a duna un automobilista preferencia riba Caracasabaaiweg y e otro auto a dal den su banda.

Bomberonan mester a zag e auto na dos pa saca Kade Wilsoe for di su auto. A hibe hospital cu multiple fractura na su custia.

**WEB TA INTRODUCI WEB MOBIL, E SERVICIO AMBULANTE DI WEB ARUBA**

-  **WEB Mobil** ta facilita pago di cuantanan di awa y coriente, style di **DRIVE THRU**
-  **WEB Mobil** ta staciona tur **diamars y diahuebs** entre 9 or y 12 or na un **localidad diferente** riba nos isla.
-  Check e schedule riba **WEB** su **pagina di Facebook** pa sa **fecha, localidad y orario** di **WEB Mobil**.



**Dialuna 25 di mei**  
na Club Kibrahacha  
**Diamars 26 y diahuebs 27 di mei**  
na Aruba Carnival Entertainment Village



Balashi 76, Aruba | T. 280 4600  
www.webaruba.com



Den futuro **WEB Mobil** lo ofrece **mas servicio** relaciona cu bo conexion di awa.

# Piscadornan a pidi representantenan di pueblo pa cambia ley inhusto, ley no por ta discriminatorio



**PRINCIPIO** di e siman aki, 3 representante di piscadornan tabatin un reunion den sala grandi di Parlamento di Aruba pa trece nan malcontento, disgusto y frustracion di tur nan coleganan piscador di Aruba n'e Comision Fiho di Labor y sector primario. Un danki na sra. Shailiny Tromp Lee pa cumpli cu su palabra y a extende e invitacion asina liher.

E reunion tabata bon. Señores Edward Dirksz, John Laurence y Arthur Giel a haci nan presentacion y oficialmente a haci entrega di un peticion pa coregi e Ordenansa di Proteccion di Naturalesa. Tabatin hopi pregunta haci dor di e Parlamentarionan y nan a contesta tur pregunta cu maximo claridad.

E peticion di piscador ta pa cambia 2 articulo den ordenansa di proteccion di naturalesa cu ta prohibicion extremo cu ta afecta tur nos piscadornan di Aruba negativamente. E ley mester cambia for di uno cu ta discrimina y causa discriminacion contra piscador, perhudica piscador, y keda transforma den uno cu ta crea espacio p'e piscado por yuda maneha e recurso marino en cuestion.

Esaki ta conforme tur tratado internacional cu ta pidi pa tambe tene cuenta cu e situacion local y e piscadornan local tradicional.

E proximo paso ta diamars proximo 26 di mei, ora nan ta reuni cu gerencia di Parke Nacional Arikok, pa papia cu e fundacion aki pa kita e "NO FISHING" riba varios borch di nan y pa tene consideracion di piscadornan den formula e regulacionnan p'e areanan bou di nan control.

Piscadornan uni no ta acepta mas cu ta tuma decision cu ta afecta piscador negativamente, sin consideracion algun di piscador, sin cu piscador tin representacion of envolvimento. E ta inhusto!

E ta trece tambe cu sa tin hende ta keda ataca piscador cu menosprecio. Piscadornan Uni kier cambia esaki. Piscadornan Uni ta lucha pa un causa comun. Un discriminacion creciente contra piscador. Union ta haci forsa! Man na obra!

Nos t'ey pa bo!

Departamento di Asunto Social

SERVICIO  
SOCIAL

SAVANETA, SAN NICOLAS  
Y BISINDARIO:  
528-1130

PARADERA, PIEDRA PLAT, NOORD  
Y BISINDARIO:  
528-1140

STA. CRUZ, DAKOTA, O'STAD,  
PONTON Y BISINDARIO:  
528-1120

Servicio di entre otro:

- ✓ Ta duna sosten, guia y conseho
- ✓ Duna guia con pa maneha placa
- ✓ Ta intermedia pa comestibel
- ✓ Ta intermedia cu utilidadnan

Mas informacion:  
[www.das.aw](http://www.das.aw)

Lider di fraccion di AVP Marlon Sneek

# Minister Rudy Lampe ta sigui torno enseñansa for di otro scondi scondi



**NA** momento cu Minister di Enseñansa no tin e curashi di sali bin dilanti y bisa e berdad di loke t'e cambionan cu e kier impone den enseñansa, esaki ta algo di condena y di lamenta, lider di fraccion di AVP, sr. Marlon Sneek a mostra durante di conferencia di prensa.

No ta prome bes cu Minister encarga Rudy Lampe ta hunga e tipo di weganan cu cambionan cu e kier mira wordo ehecuta den enseñansa y mientras cu na varios ocasion su propio Gobierno a para su decisionnan, ta muestra cu cueste loke cueste Minister Rudy Lampe kier implementa cambionan sumamente cuestionabel.

“Tin cambionan cu Minister Lampe kier introduci na Colegio San Nicolas y referente n'esaki, nos a bin haya copia di e 'Ministeriele Beschikking' cu e Minister aki a saca, pa loke t'e cambionan cu e ta bay trece na Colegio San Nicolas.

Un ministeriele beschikking caminda por tuma nota riba dos punto di dje, cu Minister Lampe no ta sincero den loke e kier bay haci cu scol aki, caminda e.o. na articulo dos y letter D, ta bisa lo siguiente: 'in het bijzonder waken over de rechtpositionele aangelegenheden van het personeel van Colegio San Nicolas, over di reorganisatie procedures en een eventueel overstap van de personeelleden naar de stichting Combina en op deze gebieden samen te werken met de departement Recurso Humano.'

Pues articulo dos inciso B ta bisa cu un di e puntonan cu stichting Combina tin cu traha riba dje, t'e traslado di e personal di DPS, ya cu e trahadornan aki ta cay awor bou di DPS, pa stichting Combina.

Minister Lampe ta para 'riba cu nada ta bay cambia, pero Ministeriele Beschikking cu e Minister aki mes a traha, ta bisa bon cla cu den e caso aki, Colegio San Nicolas ta bay cambia di structura.

Rudy Lampe mes ta bisa den su ministeriele beschikking, articulo 2 D, e ta muestra cu ta bay tin un 'overname,' un 'overstap' di e docentenan cu aworaki ta trahando na Colegio San Nicolas pa e stichting Combina.

Loke por a tuma nota di dje den e mesun MB aki, ta caminda articulo 3 inciso B ta bisa: 'beleidsregels te bepalen op vlak van onderwijs, financien, logistiek en HR, met diens verstand, dat de Minister in zijn hoedanigheid van bevoegd gezag, tot 31 Juli 2021 hirarchies, het hoogste beslissing-sorgaan blijft.'

Cu otro palabra te cu 31 di juli 2021, Minister Rudy Lampe ta keda esun cu ta bay tuma decisionnan ey y despues di e fecha ey e overname ta bay tuma lugar, despues di eynan stichting Combina ta bay tuma Colegio San Nicolas over. Pa fraccion di AVP esaki ta lamentabel cu nos ta haya un Minister, cu cada bes ta hunga cu e pensamentonan aki.

“Nos ta kere cu Minister Rudy Lampe mester ta serio y si esey ta Lampe su maneho, esey ta locual e ta kere aden, anto bin dilanti y bisa pueblo cu bo ta kere ci ta di e forma aki mester haci'e, punto.


Pero no keda gaña, bira palabra y bisa cu tur loke ta saliendo na cla den ultimo dianan, no ta berdad.

Nos ta lamenta masha hopi mes ora un Minister, kende ta un persona cu pueblo mester kere aden, pueblo ta mira cu cada bes Prome Minister tin cu bin dilanti y hala su decisionnan aden, y e cos aki a bira un custumber caba.

En realidad Gobierno ta cabando cu enseñansa na Aruba y Parlamento di Aruba a pasa un mocion cu sosten unanime, den cual a tuma e decision cu DPS tin cu keda manera cu e ta, no mag di saca nada, niun Futura, niun di e scolnan cu e ta responsabel pe, wordo saca for bou di DPS, pero Minister Rudy Lampe ta haciendo net lo contrario di e decision tuma aki pa Parlamento.

Sinembargo fraccion di AVP a bin ta bisando pa un tempo caba, cu Minister Rudy Lampe ta comiendo e pisca na mochi, pida pida dor di split tur cos, keriendo cu ningun hende lo ripara of haya sa kico ta locual e ta haciendo,” lider di fraccion di AVP, Marlon Sneek a declara.

# Dama chauffeur bou influencia, no tabata di su ley, a hit and run y a keda deteni



**DIAHUEBS** anochi den careda di 10'or, un dama basta burachi tras di stuur di un Mitsubishi Lancer shinishi numeru A-65885, tabata na su celular y den Caya Papa Juan Pablo (Rondweg) no lo por a distingui trottoir cu caminda. El a subi trottoir dal un Nissan March cu tabata staciona y a sigui core manera nada no a pasa.

Un poco mas pabou na altura di e cura di ex Kooyman, e dama chauffeur a para su auto mey-mey caminda y a cana bay bek ariba bay pa coy e bumper di su auto, cu den e impacto fuerte a kibra y a keda benta mey-mey caminda. Na momento cu el a bay coy e bumper, e bisiñanan a bise cu e tin cu para pa su responsabilidad y mester warda riba Polis. El a cuminsa insulta y habri boca cu e personanan cu tabata bise cu e tin cu warda riba Polis.

E dama chauffeur a pasa man pa su bumper y a cana bay bek na su auto. E dama tabata musta basta bebi, pero tabata sa bon kico e tabata haciendo.

El a subi tras di stuur y kier a bandona e sitio, pero algun bisiña mesora a sigui e dama, kende no a yega mucho leu. Den Avenida Milo Croes dilanti Fergus Bar Restaurant el a para su auto y eynan Polis a yega topa cu ne.

Na yegada Polis mesora a ripara cu e dama chauffeur tabata hopi burachi y a detene. E dama a wordo transporta cu transportwagen di Polis pa Warda di Polis caminda e lo a haya un cuarto gratis pa sosega su cansancio grandi di alcohol.

Despues cu transportwagen a hiba e dama pa Warda di Polis, e agentenan policial a bay den Caya Papa Juan Pablo II (Rondweg) pa tuma dato di loke a sosode y nan por a mira cu e Nissan March a haya hopi daño n'e parti di wiel banda robes y dilanti tambe e impacto fuerte a pusha e auto riba un meter di Awa, caminda e bumper y wiel drechi tambe a haya daño.

# Cacho feroz a ataca chauffeur sinta den auto



**ULTIMO** tempo ta mas y mas biaha nos ta haya tende cu cacho ta ataca y morde hende riba caya. Esaki tambe tabata e caso diabierna mainta despues di 10'or, ora un cabayero tabata sinta den su auto banda di NAPA cla pa subi e caminda grandi di Santa Cruz. Aki di ripiente 1 of dos cacho a bin riba e auto y a bula riba porta di e auto, hinca cabes den e bentana y a morde e chauffeur den su man.

E chauffeur a aki a pasa susto, pero a logra di core cu e cachonan cu a core bay drumi bou di algun auto banda di edificio di NAPA. E victima a conta nos cu ta 2 cacho cu ta pertenece n'e cas Santa Cruz 10a, cu ta keda net patras di NAPA Autoparts. Ya den pasado ta varios biaha e cachonan aki a ataca hende cu sa cana eybanda, scooter cu sa pasa eybanda y hasta cliente cu ta baha na NAPA.

E mes tambe varios biaha e cachonan sa bula riba su auto, pero e no a spera cu e biaha aki sinta den su auto, lo haya mordi di e cacho.

Riba e porta di auto por wak e rasca di e huñanan di cacho y hasta n'e rand di porta por wak marca di e mordi di e cacho.

Un situacion fastioso cu ta causa molester p'e bario, pa personal di NAPA y su clientenan. Ta teme cu un dia esaki por tin consecuencia hopi mas grave y kisas hasta fatal si un mucha mester pasa cana inocentemente dilanti e cas Santa Cruz 10A.

No ta conoci si tin hende ta biba n'e adres actualmente, pero sa wak auto ta bin mainta y duna e cachonan ey cuminda.

Polis a compila tur dato y lo traha nan raport. E cabayero mientrastanto a wordo conseha pa bay polie pa ayudo medico y su hangua contra tetanus.



Hunto nos lo supera!

## Aruba cu donacionnan pa varios organisacion



Sagicor Financial Company Limited, un proveedor lider den seguro den Caribe, a haci un donacion di US\$ 1,000,000 pa sostene accionan di contencion di Covid-19 y esfuerzonan di tratamiento den henter e region di Caribe.

E foco ta riba mehoracion di deteccion tempran y facilita equipo pa un cuidu urgente p'esnan cu ta infecta caba.

Na Aruba, e compania aki ta hopi contento pa anuncia cu un parti di e donacion aki ta bay p'e siguiente organisacionnan: Fundacion Pa Nos Comunidad: Casa Cuna: Imeldahof y pa Centro Kibrahacha 60+.

Fundacion pa nos Comunidad: E donacion ta wordo usa pa cuminda pa comunidad (pakete di cuminda) distribui p'esnan cu a ser afecta p'e pandemia, entre otro.

CasaCuna ta bay cumpra mas productonan di higiene pa proteccion y tambe cuminda p'e muchanan. Di e manera aki nan ta sostene e muchanan y e mamanan hoben. Tambe Casa Cuna ta duna sosten n'e famianan y mayornan dor di distribucion di pakete di cuminda pa muchanan cu ta pasa e dia na Casa Cuna y nan mayornan adoptivo. E sosten ta esencial pasobra pa motibo di e corona virus e muchanan no por a bishita Casa Cuna y no por a haya bishita tampoco.

Varios di e muchanan di Casa Cuna tin mayornan cu a perde trabou y no tin entrada mas.

Imeldahof ta usa e donacion financiero pa por cumpra productonan di higiene pa proteccion, cuminda y medicina. Tambe Sagicor a duna nan 2 computer pa haci uzo den oficina.

Centro Kibrahacha 60+ a desaroya un 'Buddy System'. E sistema aki ta preveni soledad di e grandinan y brinda servicio na nan, p.e.: Paga awa y coriente of haci compras. Buddy System ta consisti di mas o menos 40 boluntario. E donacion ta yuda nan cu gasto di telefon, gasoline y productonan di higiene pa proteccion.

Director di Sagicor Life Inc NV, Randall Croes, ta informa cu nan ta considere nan deber pa asisti den un tempo dificil ora cu e mundo ta vulnerabel.

“Nos tur tin cu yuda unda nos por pa reduci e impacto di COVID19. Tin hopi hende den problema financiero, pasobra nan a perde nan trabou. Hopi no tin placa pa cuminda pa por alimenta nan famia. Mas cu nunca nos tin cu brinda sosten pa nos comunidad.” Sagicor su vision ta pa t'e compania ta “dedica pa mehora e bida di e hendenan den comunidad unda nos ta opera”.

“Na number di team di Sagicor mi kier gradici tur nos cliente pa nan confiansa y lealtad. Mi kier garantisa nan cu Sagicor ta bay sigui pa haci tur cos posibel pa yuda y sostene nos clientenan!”

Mirando e situacion grave di COVID19, Sagicor Aruba tin un campaña nobo cu un mensahe importante pa su cliente y pa comunidad di Aruba: Hunto nos lo supera! (Together we will overcome!). Via e campaña aki Sagicor kier pone enfasis riba e sosten y ayudo cu nan semper ta bay brinda na nan cliente.

(CAPTIONS portretnan)

Director di Sagicor Life NV Aruba sr. Randall Croes, y Sales Manager sra. Sonja Velthuisen, ta hopi contento pa duna un cheque p'asina por sostene e team di Imeldahof.

Director di Sagicor Life NV Aruba, sr. Randall Croes, y Sales Manager sra. Sonja Velthuisen ta duna un donacion pa sra. Gianaika van der Biezen, Director di Fundacion Pa Nos Comunidad (FPNC).

Director di Sagicor Life NV Aruba, Randall Croes, Sales Manager Sonja Velthuisen y Katherine Arrow, Asistente Administrativo, ta duna un cheque simbolico pa un miembro di team di Casa Cuna Progreso.

Director di Sagicor Life NV Aruba sr. Randall Croes y Sales Manager sra. Sonja Velthuisen ta practica social distancing ora nan ta duna nan sosten financiero n'e Director di Centro Kibrahacha 60+, sr. Jeffrey Matos, y su team.

# IT IS NOT FOR THE LACK OF A TONGUE WHY A COW DOES NOT TALK

*Fallacies in the Economisch Bureau Amsterdam Report*

Just when the Curaçao government was looking forward to the second disbursement of the assistance package from Holland to mitigate the social economic impact of the coronavirus, and just as the aid was most needed, State Secretary Knops ensnared the funding with some conditions. While the track record of the Curaçao government is far from perfect, the conditions placed upon the funding are an enormous distraction from the pressing issues of protecting the productive capacity of the island, and not least the human suffering resulting from the economic standstill.

Unfortunately, more often than not, the policies and perceptions of the Dutch government are being shaped by faulty analysis and/or factual inaccuracies. The result is a situation where policy dialogues have been shrouded by distrust on both sides of the Atlantic. While informative, the recent *Bureau Economisch Amsterdam* (EBA) report<sup>1</sup> serves to illustrate this point. Economic policies based on fallacious arguments only exacerbate our economic problems.

The objective of the report commissioned by *Tweede Kamer*, as the title clearly indicates, is to identify solutions for our challenges from a regional perspective. Given the state of our economies, it is critically important that both the facts on which the report are based can be empirically established and the analyses are based on sound economic reasoning, not fallacious arguments. Salient examples are the following:

- Hoge overheidsschuld zet een rem op economische groei.** The implicit assumption here is based mainly on the conventional wisdom that government borrowing will crowd out private investments, and the cost of servicing the debt will crowd out other government expenditures that may be necessary on social welfare grounds. While this argument may hold in general, it does not apply to the case of Curaçao. The debt accumulation that has been taking place since 10-10-10 has been foreign-financed (namely, by Holland) against a practically negligible interest rate. The available domestic financial resources continue available for private investments, and the cost of the public debt represents a negligible percentage of the current expenditure of the government. However, looking forward, this unfettered increase in the debt-to-GDP represents a risk if and when the rate at which Curaçao can borrow increases. Therefore, Curaçao should pursue a policy to reverse this trend by promoting economic growth and/or incur a budgetary surplus to retire maturing debt.
- Structurele handelstekorten zorgen voor achterblijvende economische ontwikkeling.** This statement too is fallacious. It is not the trade balance that measures the strength of an economy and hence its development, but rather the current account of the balance of payments. The Caribbean countries, because of the structure of their economies (i.e., not well endowed with natural resources, small markets, and climatological conditions) always must rely on surpluses on the service and income accounts to finance the deficits on their trade balances. To argue that their development is lagging because of this economic structure misses the crux of the development of the Caribbean countries.
- De Caribische delen van het Koninkrijk zijn het rijkst van het Caribisch gebied.** This statement is factually incorrect. Only by including the Bahamas, Cayman Islands, the British Virgin Islands, Puerto Rico, US Virgin Islands, and Bermuda does one get a true picture of the wealth distribution in the Caribbean. Given the per capita GDP of the Bahamas of US\$ 31,827, Cayman Islands, US\$ 65,996, BVI, US\$ 34,246, Puerto Rico, US\$ 31,353, US Virgin Islands, US\$ 35,938, and Bermuda, US\$ 85,748, against US\$ 31,000 for Sint Eustatius, US\$ 26,000 for Sint Maarten and Aruba, US\$ 22,000 for Saba, US\$ 21,000 for Bonaire and US\$ 19,000 for Curaçao one can hardly advance the argument that the Caribbean part of the Kingdom is the richest part of the region.
- Structurele hervormingen (hervormingen van de arbeidsmarkt en kapitaalmarkt, etc,..) zijn hard nodig om het economisch potentieel van Curaçao te benutten.**

Here again, the analysis of EBA boggles the mind. The labor laws, capital market structures, and other institutional arrangements of the three islands are practically identical. Yet the economic performance of the three islands differs widely as illustrated by the above table compiled from the EBA report. To ascribe that economic performance solely to the rigidities of the labor and capital market and red tape overlooks the low explanatory power of these three variables.

Prognose Economische Groei Curaçao, Aruba en Sint Maarten							
	2019	2020	2021	2022	2023	2024	2025
Curaçao	-2%	0%	2%	1%	1%	1%	0%
Aruba	1%	0%	1%	1%	1%	1%	0%
Sint Maarten	5%	3%	3%	3%	2%	2%	2%

The question becomes whether the bureaucratic structure imposed on Curaçao and Aruba compared to Sint Maarten has a higher explanatory power than the arguments advanced by EBA.

While some of the analyses of EBA are welcome and informative, they must be corrected and put in the proper context to be useful in addressing our economic ills. The same holds for the advice given recently by the Cft. While the current coronavirus crisis merits a derogation of the provisions of the *Rijkswet Financiële Toezicht* (Rft), the disproportionate emphasis placed on their advice is tantamount to ignoring the March 27, 2020, decision of the Kingdom Council of Ministers to exempt Curaçao temporarily from the provisions of the Rft.

As Fredrieck Hayek in his seminal work, *Road to Serfdom*, so eloquently explains: “Intelligent means directed at wrong ends will make evil more certain.” Or as the old Negro saying goes: “It is not for the lack of a tongue why a cow does not talk.”

# Xpresa bo mes

## DJIS IMAGINA'BO...

*Pa: Armand Hessels*



DJIS imagina'Bo cu B'a studia duro, consecuentemente ta gana un bon salario cu a permiti'Bo cumpra un cas di cunucu modesto y un auto economico. Hasta Bo ta resta placa pa spar pa cos bunita of tempo dificil. Y imagina'Bo cu Bo ruman chikito a caba di cumpli 18 aña, a haya un bon trabou y cu su prome salario di biaha a cumpra un Hummer cu ta gasta Afl. 100 na gasolin den tres dia. Bo no ta hay'e sabi, pero... Bo ruman ta 'adulto' y no ta permiti Bo 'metemento'.

Poco despues e ta cumpra un cas di dos piso cu cura grandi y piscina. Pa tur e trabou e ta tuma un hardinero den servicio mas un ayudo den cas. Riba dje e ta manda su dos yiunan International School.

Den poco tempo el a yega na fin di su posibilidadnan financiero: Dentro di apenas cinco dia casi henter su entrada ta bay na paga gasto. E ta resta apenas suficiente pa cuminda. Riba Bo conseho pa baha gasto y busca un auto, cas y scol mas barata y kita personal e ta reacciona rabioso: hamas y nunca!

Mientrastanto su Hummer tin un problema serio y ta rekeri un reparacion intensivo. Su cas tin necesidad grandi di mantencion, e sistema di riool a dañá y su personal ta pidi aumento di salario. Den combinacion cu 'schoolgeld' e ta

confronta problema financiero serio. Imagina'Bo cu Bo ruman ta desespera y ta bin cerca Bo pa ayudo. Kico Abo ta haci?

Bo ta yud'e cu Bo placa cu Bo ta gana y spar cu Bo sodo, djis pasobra e ta Bo ruman chikito? Mi no ta kere! Ken ta yuda un persona financieramente sin mas cu ta hiba un estilo di bida di cual tur hende sa cu nunca e por paga riba su mes? Pues, Bo ta nenga di yud'e tanten cu Bo ruman no ta scoge pa un estilo di bida mas modesto.

Seguidamente Bo ruman ta bay banco y ta logra di haya prestamo nobo pa paga gasto. Pero e pago di interes extra ta haci cu e ta cay mas pisa ainda den debe. Nan ta bira asina pisa cu al fin y al cabo e ta bin cerca Bo atrobe pa ayudo. Bo ta dispuesto, pero solamente bou di e condicionnan bieu cu Bo a yega di dun'e cada bes atrobe. Pero e ta sigui nenga, cu consecuencia cu su situacion ta sali mas for di man ainda.

Te cu...ta bin un crisis den cual e ta perde su trabou y entrada. E no por paga ni su debe ni e interes na Banco y tampoco ta haya otro prestamo.

Den su maximo desesperacion e ta bati Bo porta atrobe pa ayudo. Kico Bo ta haci? Di mes Bo lo yud'e como ruman, pero...abo tambe ta sufri e consecuencianan di e crisis y ta haya menos entrada.

Pues, Bo ta yud'e bou di e condicion sine qua non, cu porfin e mester pone di biaha tur conseho cu Bo a dun'e aña den aña fo, den practica. Y en berdad, e biaha aki sí, como cu no tin otro escapatorio, Bo ruman ta scoge di guli manda'bou!

Awor...imagina'Bo cu Abo ta Hulanda y Bo ruman terco ta Aruba. Y imagina'Bo

tambe cu tur e añanan cu Bo a adverti Bo ruman y a dun'e conseho, tur su bon amigonan tambe a adverti'e continuamente.

Pa Aruba eseynan tabata Consejo di Consulta, Servicio Central di Accountant, Controlaria General, Banco Central, Comision Financiero, Comision Nacional pa Finansa Publico, Fondo Monetario Internashonal, etc. Structuralmente tur nos Gobiernonan consecutivo a tira literalmente tur e bon consehonan (caro!) aki den bari sushi. Nan tabata sa miho y..."nos mes por!" Pues no!

Consecuencia di e posicion terco y irresponsabel tabata entre otro: Finansa publico totalmente den ruina, fayto structural den cuida social, enseñansa, combatimento di criminalidad y infraestructura, ademas di daño serio na medio ambiente.

Pesey no ta dificil pa imagina cu mescos cu e ruman chikito mester haci algun paso atras pa sobrebibi, cu Aruba tambe mester retrocede varios paso y baha su gastonan drasticamente si e kier bin sikiera na remarke di ayudo financiero pa sobrebibi.


Den esey no por tin ningun lugar pa grupo den comunidad, maske con importante, pa scapa di e 'adaptacion' aki.

Al fin y al cabo hopi hende na Aruba ta carga co-responsabilidad p'e situacion financiero-economico actual, sea pa nan comportacion oportunista di vota y/of e buscamiento intensivo di privilegio. Riba dje, e grito di politico cu e condicionnan ta afecta 'nos autonomia', no mester ta dirigi n'e ruman grandi, sino n'e 'adulto' chikito cu nunca kier a scucha ni e bon consehonan di su mihor amigonan.



# Coronavirus: “E Catalysator di cambionan profundo den siglo XXI”

Part 2. Scirbi pa Di-Stefano Wernet



# COVID-19

MUNDO henter ta den un guerra sin precedente contra e pandemia di Coronavirus. Nos pais Aruba no ta un excepcion. Awendia nos ta biba den un mundo di globalisacion cu ta super conecta. E virus aki ta atacando existencia di nos humanidad. Esaki sigur no t’e prome ni e ultimo crisis cu humanidad tin cu enfrenta.

Den pasado mundo a conoce diferente reto super grandi. Entre otro e virus di griep Spaño, e dos guerra mundialnan y e *Great Depression* economico. Banda di esey Aruba mes a enfrenta den pasado cu exito e baymento di Lago. Un cos ta sigur cu e Coronavirus aki a bira e “Catalyst” (agente) di cambionan profundo den e siglo aki XXI.

*Kico ta esential den e momento critico aki?*

### 3.USO CORRECTO DI ERA DIGITAL

Na di tres lugar nos ta biba den un era digital di internet, skype, zoom, whatsapp, facebook, twitter, instagram etc. Ta berdad cu hende no ta biba solamente di cuminda y oxigen. Pa nos salud mental y emosional nos mester comunica cu otro, principalmente “face to face”.

Awor aki nos ta obliga pa tene nos mes na “social distancing” o mihor bisa distanciamento fisico. Esaki no kier men un blackout o shutdown den nos comunicacion. Juist awor mas cu nunca laga nos usa social media etc. na un manera sano, responsabel y efectivo den e situacion dificil aki di social distancing dor di Coronavirus.

Laga nos no usa social media etc. pa trece fake news, panico, desconfiansa, redo y miedo den nos comunidad. Nos no mester bandi e crisis di Coronavirus aki un chaos den comunicacion. Loke ta keda importante ta pa sigi reglanan di social distancing y hygienia lagando ciencia cu su datonan veridico prevalece riba emosion y fake news. No laga nos cay den ilusion di storianan cu no ta berdad. Corda cu social media no ta buki di scol ni buki cientifico.

E era digital aki t’e tempo di studia, traha, haci negoshi, contacto social etc., mihor bisa nos forma di biba, mas ainda por medio di comunicacion basa riba distancia fisico den un mundo global di internet. Ban haci bon uso di e oportunidad aki.

### 4. TRANSFORMACION



Por ultimo transformacion t’e remedi p’e crisis di Coronavirus. Mundo henter ta aworaki na un crusada mundial cu ta bay determina nos futuro pa un mundo nobo di cambionan profundo den nos sistema di biba e.o. socio-economico y inteligencia digital.

Si e sucesonan di 9/11 na 2001 a cambia nos bida, e crisis aki di Coronavirus ta un testpaper (examen) hopi mas pisa pa nos transforma nos mundo dor di ta un mihor hende sin entre otro di ta egoista, materialista y goloso (“greedy”). Tambe como ser humano nos mester stop cu rabia, envidia, redo, arrogancia, odio etc cu ta fuentenan grandi di conflictonan riba tur nivel den nos mundo global. Ban reflexiona riba nos bida. Sea mas positivo y optimista.

Mi tin e fe cu humanidad lo sali victorioso den e guerra aki contra e Coronavirus. Corda riba e cantica di inspiracion cu yama “*Nada es imposible*”. Di otro banda nos humanidad mester si, sigur un transformacion profundo como hende; un mihor hende pa un mihor mundo dor di cambia nos calidad y manera di pensa, papia y hasi.

Cu otro palabra nos mester un mindset nobo den e normal nobo, basa riba fe, optimismo, positivismo, creatividad, inovacion, curashi, determinacion y principalmente bon intencion. Esaki lo por evita otro posibel crisisnan den futuro, por ehemplo cambio di clima o scarsedad di cuminda. Ban awor colectivamente p’e cambionan profundo. Ban hunto rethink nos dushi Aruba. *Time waits for no One; does it?*

# Participacion



**TUMANDO** masha na serio e caso di COVID-19 (Coronavirus) na Aruba y sigui cu recomendacionnan di Gobierno, gerencia di AWEMainta ta ofrece tur esnan cu kier sigui noticia, pa registra pa recibi tur dia, sin mester di sali for di nan cas AWEMainta, GRATIS. Y asina ta keda altanto di loke ta pasa na Aruba y rond mundo.

Ta pesey AWEMainta como e prome corant digital tin e circulacion mas grandi. Bisando esaki, nifica cu tur esnan cu ta desea di pone nan advertencia den AWEMainta, nan ta mas cu bon bini. Nos tin tarifanan masha economico, pa yudabo cu bo benta.

Banda di e corant digital, tur hende por sigui e noticianan di AWEMainta riba nan website y tambe via nan facebook.

Djies type [www.awemainta.com](http://www.awemainta.com)

Tur hende cu ta desea pa manda nan noticia y/of nan advertencia, por haci esaki mandando esaki na [noticia@awemainta.com](mailto:noticia@awemainta.com).

Y asina lo yudabo keda den contacto cu tur persona cu abo ta desea.

Laga AWEMainta t'e vehiculo di bo contactonan.

Danki p'e confianza

Gerencia di AWEMainta



# UN SNECHI DI PALABRA DI DIOS

**VII DIADOMINGO DI PASCO** 24 di mei 2020 Nr. 260

**I lect: Ech 1, 12-14**

**Salmo 27**

**II lect: 1 Pe 4, 13-16**

**Evangelio: Hn 17, 1-11**



Ora Hesus a caba di papia, El a hisa su cara na laira y bisa: "Tata, e ora a yega! Duna bo Yiu gloria, pa bo Yiu por duna Bo gloria. Mescos cu Bo a dun'E poder riba henter humanidad y pa asina E por a duna tur esnan cu Abo a confi'E bida eterno. Y bida eterno kiermen: conoce Abo, e unico Dios berdadero, y conoce Cristo Hesus, Esun cu Abo a manda. Mi a glorifica Bo riba mundo; Mi a termina e trabou cu Abo a duna Mi pa haci. Tata! Duna Mi gloria aworaki den bo presencia, e mesun gloria cu Mi tabatin hunto cu Bo prome cu mundo a existi. Mi a laga esnan cu Bo a aparta for di mundo y duna Mi, conoce Bo. Nan tabata di Bo y Abo a duna Mi nan y nan a obedece bo palabra. Awor nan sa cu tur cos cu Abo a duna Mi, ta bini di Bo. Pasobra Mi a duna nan e mensahe cu Abo a duna Mi y nan a ricibie. Nan a bin haya sa cu ta berdader cu Mi ta bini di Bo y nan ta kere cu Abo a manda Mi. Mi ta resa pa nan; Mi no ta resa pa esnan cu ta pertenece na e mundo aki, ma pa esnan cu Abo a duna Mi, pasobra nan ta pertenece na Bo. Tur loke ta di Mi ta di Bo y Ami ta haya gloria pa medio di nan. Awor Mi ta bini cerca Bo; Mi no ta keda den mundo mas, ma nan si ta keda den mundo.

***Palabra di Señor!***

## **MENSAHE**

Diahuebspasaiglesia a celebrasubimento di Hesusnashelo. Sin duda e liturgia di e diananaki kier diriginosbistanashelo. Evengelio di awe cu ta un introduccion pa oracion sacerdotal di Hesus ta trecepalabranan cu Hesus a pronunciaprome cu sumorto. E ta afirma cu suora a yega y cu a cumpli cu Dios su plan. Di e maneraaki Dios ta kedaglorifica. Di igualmaneranos ta glorificanomber di Dios encuantonos ta cumpli cu Suboluntad. Awe Hesus ta resa pa esnan cu den e mundoaki a reconocecomoMesias. Nan tin mester di oracionaki y di Subendicion, pasobra nan ta keda den mundo pa continua cu trabou di Cristo.



E momentonancu apostelnan a enfrentadespues di morto y asencion di Hesus no tabatafacil. Tur dos ta parce un final y despedida. Aunke nan no ta compronde tur cos, nan ta keda den oracion, uni cu otro y den compania di Birgen Maria. Asina nan ta wardabinimento di Spirito Santo. Ora e momentoakiyega nanta recupera nan forza y ta cuminsa continua mision di Hesus.

Igual cu Hesus a resa pa su pueblo, igual cu apostelnan a tuma nan tempo pa keda den oracionnos no por descuidaoracion. Ta urgente pa nosresa pa nosmes y pa otro. Oracion ta yudanoshabrinoscurationaaccion di Spirito Santo. Y solamenteesun cu ta ricibiSpirito Santo por hayacurashi y forza pa duna testimonio di Cristo. Esey ta e tareamisionera di cadasiguido di Cristo. Prome cu El a subishelo e ta mandanos pa continua cu sumision y haci tur hende di tur nacion, di tur tempo birasudisciplinan. Nos tarea ta pa realisa e misionaki den luga y tempo cu nos ta biba. Mara noseestilo di biba sea manera un "predicashi" cu tainspiraotro pa sigui Cristo y fihasubistaribashelocu tanos meta final.

## **ORACION**

Señor Bo nomber sea glorifica awe y semper!

## **PROPOSITO**

Combersa cu bo famia riba persona di Cristo y riba



shelo.

# Royal Aurora

## Funeral Home & Crematory

"I mi tin e speransaaki denDios,  
mesunsperansa cue hendenakitambe tin,  
esta, cu lo bai tin unresurreccionditan to hende hustoco-  
moinhusto."  
Echo.24:15

A bai drumi den morto, nos mama, ruman y tanta y madrina



### Sra. Seferina Martijn

(mihorconocicomo Ina, tan-Ina)

\*25 okt 1938 - †14 mei 2020

Viuda di Miguel (Geechi) Maduro

SuMayornan.:

+Paulus(Pau) y + Brigida Catharina (Dita) Martijn-  
Winterdal

Suunicoyiustima.:

Erwin Harold Martijn

Mescos cu yiu.:

Jonovan (Jovy) Boekhoudt y fam

Surumanan.

+ Ireno y + Carmen Martijn-Noguera y fam

+ Benita Martijn y fam

+ Albino (Binchi) y + Ramona Martijn-Vrolijk y fam

+ Escolastica ( Lati) Martijn y fam

Timoteo (Teo) y Regina Martijn-Rasmijn y fam

Lourenco (Cayen) Martijn

+ Eliza Kransen-Martijn y fam

Nicolina Martijn y Joy v/d Biezen y fam

Higinio (Hino) y Luzgarda (Luga) Martijn-Clijd y fam

na Hulanda Bernadito ( Dito) y Ilda (Chita Martijn-Brete y  
fam

Mescos cu ruman.: Filomena (Chichi) Croes-Martijn y fam

Suswa y cuña(nan):

Joseph Maduro y fam

Andres Maduro y fam

Nicolaas Maduro y fam

Antonio Maduro y fam

Maria Maduro

Cristina Maduro y fam

TUR su Sobrina(o)nan y nan famia, cu e la stimahopi y  
cu tambe a stimehopi, tantona.:

Aruba, Hulanda, Saba, Nigeria, Ecuador y Saoed  
Arabie

Sulhanan.:

Frida Werleman Kock

Selsa Quandus-Maduro

Suayudantenan.:

Gina Erasmus, Sime Martijn & Lena Maduro

Tur subisinjanan, primo(a)nan y amiganan.

Y demas famia.: Maduro, Martijn, Boekhoudt, Noguera,  
Henriquez, Vrolijk, Rasmijn, Kransen, Eckmeyer, Clijd,  
Brete, Ras. I demas famiacu tamucho pa menciona..

Un danki special na personal di Wilhelminakankerfonds.  
Nos disculpasinos por a lubidacu alquier famia den nos  
tristeza.

Acto di despedida lo tumalugar Dialuna 25 Mei 2020 pa  
10:00 -11:00 'or na Aurora Funeral Home

# Desaprobacion total pa expresionnan negativo di doño di Miles Jazz Cafe



WILLEMSTAD - Directiva di AMAK a tuma nota di ekspresionnan negativo di Hans Andriessen haci riba su "Facebook-post", den cua el a denominá nos isla como "Isla di Makaku" y alabes cu su deseo ta, pa nos pueblo keda afectá pa un otro Vírus (typhus).

Nos ta lamentá e expresionnan mencioná enormemente, sigur si ta trata di un persona, cu ta duna oportunidad di trabou, na nos artistanan lokal.

Pero den mesun rosea, nos mester bisa Hans Andriessen, kende no mester lubidá, cu t'e mesun Isla, cu e ta humiliá, a duna su persona y su compatriotanan oportunidad di oro, pa haci bon negoshi, den e áreanan di Pietermaai.

E hecho cu bo a eliminá e publicacion aki, no ta suficiente, pa kita e sentimentonan amargo, cu bo a causa bou di artistanan y demas

ciudadanonan di Còrsou, paso un dicho ta: "Loke tin den curazon, boka ta papia! E or'ey, ta semper bo a mira yiu di Còrsou como "makaku" anto, pero a trata nèchi, haci uso di nan te caminda a cumbiní.

Esaki ta motibo, cu di parti AMAK, y nos digno pueblo di Còrsou, nos ta exigí un rectificacion, cu mester keda publicá den tur media social.

Ya caba nos pueblo tin cu soportá humiliacion di políticonan Hulan- des, miéntas nos tur ta pasando den temporada di crisis, pero bibando na nos isla, y probechando di oportunidadnan pa haci negoshi y gana "Bon"placa", nos no ta aceptá expresionnan ofensivo di nivel baho den direccion di nos pueblo y nos isla.

AMAK ta spera cu pronto e rectificacion aki lo tuma lugar den tur media.

# Setar no tin compasion pa pueblo

## Xpresa bo mes

CU asombro nos ta tende di varios persona con e compania SETAR ta trata su abonadonan cu awor tin menos entrada of cu no tin entrada mes.

Pa evita incumplimento cu e pagonan mensual, abonadonan a aserca SETAR pa suspende e servicio temporalmente y ora tin suficiente entrada por reanuda e servicio atrobe. Abonadonan a keda babuca di e contesta asocial di SETAR.

SETAR ta bisa e abonadonan cu nan mester sera e cuenta di cable, internet y/

of telefon y ora nan tin e recursonan pa paga e servicicionan di SETAR atrobe, nan por bolbe registra y paga e aansluitkosten y asina conta atrobe cu e servicicionan di SETAR.

E ta INCOMPREDIBEL cu e actitud INSOLITO di gerencia di SETAR ta wordo permiti door e Minster encarga y Parlamento di Aruba. Nos ta wak tur caminda con otro instancianan manera, FCCA, nos banconan, doñonan di cas, etc etc ta muestra compasion p'esnan cu a perde parti of full entrada. E trato inhumano y arogante di SETAR ta un actitud masha repudiabel mes!

Atentamente  
G. Maduro

### Royal Aurora Funeral Home & Crematory

Drenta su portanan cu gradicimento,  
drenta su tempel cu cantica di alabansa,  
glorific'e, bendiciona su Number.  
Salmo 100:4

Cu dolor na nos curason,  
nos ta anuncia fayecimento di nos ser stima:



### Ilse Monica Raphaela

\*06-08-1973 - †16-05-2020

Na number di su:

Yiunan:

Ashley Monica Bennett

Joshua Toussaint Bennett

Gideon Brandon Bennett

Yiu sin dolor:

Davidson Rhinvil

Mama: Iddy Andrea Ignacio-Raphaela

Tata: Damiano Evaristo Raphaela

Rumannan:

Roselia Raphaela y Wendell

Mayra Raphaela y Bert

Raymond y Nadine Raphaela

Marlon Raphaela

Michel Raphaela y Sueyenne

Ex-casa: Toussaint Bennett

Sobrinonan:

David Raphaela

Aaron McKenzie

Marvick Raphaela

Jelani Raphaela

Sobrinanan:

Thais Raphaela

Heidi Raphaela

Michelynne Raphaela

Michyala Raphaela

Rumannan di criansa:

Jonathan Tromp, Irina Tromp

Amiganan kerí:

Mardou Manzón

Nansi Maduro

Demas famia: Raphaela, Bennett

Ta invita pa acto di entierro cu lo tuma lugar na Aurora Funeral home diasabra 23 di mei 2020 di 9'or pa 11'or di mainta. Despues lo sali pa Santana Central Sabana Basora.

En coneccion di Covid tin cu tene cuenta cu distanciamiento.


Preferibel bini bisti na colonan alegre.

Disculpa nos si den nos tristesa nos por a lubida algun familiar of conocirnan.

### Royal Aurora Funeral Home & Crematory

"Senor ta mi wardador, mi no tin falta di nada  
Den cunucu di yerba berde E ta pone mi sosega.  
E ta hiba mi na awa trankil, pa mi bolbe haja forsa"  
Salmo 23

Nos tin e tristo deber di anuncia fayecimento  
cristianamente di nos esposa, tanta, cuña,tanta grandi:



### Sra. Reginita "Shonita" Michaud-Dirksz

\*31 July 1945 - †27April 2020

Mama: †Isidonia M.Dirksz Croes

Tata: †Jose Maria Dirksz

Na number di su:

Esposo: Narcisse Michaud

Rumannan:

†Dichi Dirksz y esposa Fabiola Dirksz Osorio y yiu

†Nicks Dirksz y yiunan

†Esi Dirksz y esposa Sobella Dirksz Roos y yiu

Sobrino(a)nan:

Martha y esposo Arie Maduro y yiunan

David y esposa Annie Dirksz Vrolijk

Silvia Dirksz y yiunan

Shamila Dirksz

Luz Maria Dirksz Osorio y yiu

Su ex cuña: Lucia Geerman Croes

Tur su compañero/a nan y Staff di Paviljoen pa nan bon cuidu duna na Reginita.

Primo y prima nan

Su amiga nan: Martica Lampe, Carina Maduro y

yiunan, Candy Maduro, Ingrid Jacobs.

Demas famia: Michaud,

Dirksz, Croes, Maduro, Vrolijk, Osorio, Roos, Oduber, Dubero, v/d Linden, Kock, Lampe y Geerman.

Acto di entierro lo tuma lugar diamars 26 di mei 2020 di 9'or pa 11'or di mainta na Aurora Funeral Home, despues saliendo pa Santana catolico na Sta Cruz

### Royal Aurora Funeral Home & Crematory

Pero esnan cu confia den señor lo haya forsa renoba,  
ma lo bula bay ariba cu hala manera Aguila.  
Nan ta cana sin cansa, nan ta cana sin perde rosea  
Isaia 40: 31

Cu inmenso tristesa na nos curason, nos ta anuncia  
fayecimento di nos mama, wela, bisawela, ruman, tanta,  
prima stima:



### Sra. Louisa Gomez-Tromp

Mihor conoci como "Mamawicha"

\*21-02-1940 - †07-05-2020

Vuida di simon Gomez

Su mayoran: †Marco Tromp

†Maria Tromp

Na number di su:

Yiunan: Ronald Gomez y yiunan

Norinda Ras-Gomez y esposo Antonio Ras y yiunan

†Omar Gomez

Rumannan: †Juan Tromp

†Martina Tromp

†Lorenzo Tromp

†Mario Tromp

†Dalmatio Tromp

Etwina Tromp

Nieto(a)nan stima: Ruthline, Riginald, Richella, Nuriën,

Bryan, Omarcito, Isha

Su 16 bisanieto(a)nan stima, swa y cuñanan, sobrino y sobrinanan, primo y primanan, lhanan, bisiñanan, amigo y amiganan y conocirnan

Demas famia: Tromp, Gomez, Ras, Holsman, Croes,

Quandt, Brete, Kelly, Kemp, Wever, Martijn, Paula,

Quandus, Geerman, Arends, Hoek, Lopez, Sanchez,

Martez, Jansen, Loeffstok

Acto di entierro lo tuma lugar diasabra 23 di mei 2020 na

Aurora Funeral Home di 2or pa 3'or di atardi. Despues lo

sali pa Santana Catolico na Playa.

Nos ta pidi nos disculpa si den nos tristesa nos por a

lubida di menciona algun familiar of Amistad.

# Seguro mester paga spesialisista 1.422.657,75 Euro

WILLEMSTAD - Ni deklarashon di 15 testigu, ni investigashonnan stail di FBI pa purba proba nan punto no a yuda e kompania di seguro kontra malesa Movir N.V. gana e kaso ku nan a inisiá kontra e spesialisista i wes a ordená e kompania paga e ortopédiko 1.3+ mion Euro di kompensashon pa e periodo ku e no por a traha.

Hasta sikólogo nan a kontratá pa eksaminá su kabes pero ela pasa e èksamen 'met vlag en wimpel'.

E siman aki a habri bon pa e spesialisista ortopédiko kende despues di un bataya legal ku a kuminsa for di prinsipio dje siglo aki (2001) te djaluna ultimo ora ku wes a dikta e veredikto na su favor ku a duna e mediko derecho di kobra e suma di mas ku 1.3 mion Euro serka e asegurador internashonal Movir N.V.

Mr. R.F. van den Heuvel a defende e mediko i abogado Boeree a representá e kompania di seguro kontra malesa.

E kaso tabata un litania manera "gebed zonder eind" ku finalmente a kaba na favor dje spesialisista den promé instansia.

No por eksklui e posibilidat ku e kompania di seguro por apelá e veredikto.

Pa yega na konklushon dje kaso, wes a graba deklarashon di testigunan eksperto den e materia di sirugia i ku a traha ku e spesialisista.

De fakto e kaso a origina for di 26 di desèmber di 2001 na momento ku e siruhano a sufri un aksidente ku a inhabilité di traha 100%.

Manera ta kustumber ku profeshonalnan ku ta gana hopi plaka, e tabata traha komo siruhano kaba i tabata segura serka Movir den kaso ku e sufri un aksidente ku ta pone ku e no por traha.

Movir no ke paga e siruhano pasobra nan ta argumentá ku apesar dje hèndikèp e siruhano a traha muchu mas tantu i a kobra pa e operashonnan aki.

E no a informá seguro di esaki i e seguro ta haña ku esaki ta engaño.

Esensia dje kaso ta ku si Movir tin rason i si for di prinsipio dr. de Windt tabatin intenshon di engañá seguro pa kobra e prima mionario.

Movir ta insisti ku si tabatin engaño nan no ta paga i ta papia hasta di "froude".

I si korte no ta di akuerdo ku nan ku tabatin froude, e mediko a skonde kos pa nan i por lo tantu nan lo redusi e kompensashon.

Segidamente tin ku determiná si e silensio dje mediko a kousa nan daño finansiero i kuantu e daño aki ta.

Wes a sensura abogado dje kompania pasobra no ta pas pa den e fase ku e kaso ta, pa kambia e demanda.

## CHENS PA PROBA

Yuni aña pasá wes a duna e seguro chens pa proba ku e dokter ta gaña ku ela traha den e periodo di yanuari 2002 te september 2005.

Pa proba su kaso, Movir a laga tende un batayon di 15 testigu den tur hospital riba nos islanan.

asistente di sala di operashon na Taams Kliniek hefe di sala di operashon di Sint Maarten Medical Center, hefe di operashon na Mariadal Boneiru

5 siruhano i anesthesiologo i e hefe di sala di operashon di SEHOS.

Despues di a tende tur e spesialistanan aki, wes a yega ne konklushon ku e kompania di seguro no por a proba nan punto.

Nan a bin ku tur sorto di dokumento di hospitalnan na Kòrsou, Sint Maarten i Boneiru pa proba ku sí e dokter a hasi mas tantu operashon ku e ta pretendé i asina a engañá nan kobrando dos kaminda. E seguro a bin ku relatonan di operashon den kual ta menshoná nomber di e dokter pero wes a rechasa nan pasobra no pasobra e tabata presente den e sala di operashon, ela hasi operashon.

I e ora mes ku e spesialisista tabata presente den sala di operashon, su presensia no tabata nesesario.

E tabata presente wèl durante varios operashon pero solamente pa duna konseho.



## Ricibi Awemainta tur dia den bo Inbox

Registra awo!  
Manda bo e-mail na  
[noticia@awemainta.com](mailto:noticia@awemainta.com)



GRATIS



# AWEMainta

E unico corant GRATIS



## Abona awo

Manda un e-mail na:

[Noticia@awemainta.com](mailto:Noticia@awemainta.com)

y skirbi e palabranan: *"Ami Kier Abona"*

---

## Like nos riba facebook

Keda "up to date" y like nos riba facebook  
[www.facebook.com/awemainta](http://www.facebook.com/awemainta)



## Subi riba nos website

[www.awemainta.com](http://www.awemainta.com)

---

AWEMainta completamente

# DIGITAL

èxtra

Grátis

# BONERIANO®

WWW.  
EXTRABONEIRU.COM

Djabièrnè 22 mei 2020

.....ketu bai number unu!

*Komo ku no tabatin moveshon na BOPEC*

## Entradanan di haf a baha ku 5.4 mion dòler

Ofisialnan di Zr. Ms. Zeeland di bishita



*Kapitan teniente Paul Bijleveld i teniente Dirk Turnhout di e fregata Zr.Ms. Zeeland a bishitá gezaghebber Edison Rijna. Hefe di kuerpo polisial Jossy Rosaes tambe tabata presente. Durante e bishita gezaghebber a regalá Bijleveld i Turnhout un klòmpt i un boton di manshèt komo muestra di apresio.*

**KARA BONERIANO**



Giovanny Melaan ta yu di Carmen Alberto i Erquilles Melaan. Antes su tata a yega di para kiper pa tim di futbol Estrellas. Giovanny ta un futbolista. El a hunga den tim na Kòrsou i na Boneiru el a hunga den e tim Estrellas.

**BOTIKA NA WARDA  
DJADUMINGU 24 MEI**

  
**FUNDASHON MARIADAL**

**10:00 - 18:00**

**Pronóstiko di tempu**

Leve te parsialmente nublá i seku



Leve te parsialmente nublá i seku. E temperatura máksimo lo ta aproksimadamente 31°C, e temperatura mínimo mas o ménos 27°C. E bientu ost ta basta fuerte te fuerte, 5-6 Bft.

Altura di ola: 2.0-2.5 m (6-8 pia)

\* Altura di ola válido pa laman grandi

Durante e temporada di orkan, KNMI ta vigilá minusiosamente e Oséano Atlántiko den koperashon ku e National Hurricane Center (NHC). E pronóstiko mas resién ta disponibel via <https://www.nhc.noaa.gov/gtwo.php?basin=atlc&fdays=5>



*Komo ku no tabatin moveshon na BOPEC*

# Entradanan di haf a baha ku 5.4 mion dòler

KRALENDIJK -- Entradanan ku gobièrnu di Boneiru ta generá for di moveshonnan den haf a baha aña pasá ku 5.4 mion dòler. E bahada ta atribuí prinsipalmente na e echo ku no

tabatin tènker aña pasá na e terminal petrolero. Esaki Dudley Wedervoort, hefe di Sekshon di Finansa, a trese dilanti den reunion di komishon fiho di Konseho Insular.

"Nos gastunan a subi aña pasá ku 25 mion dòler, pero esaki tin un splikashon tékniko i ta debí na invershonnan di Hulanda. Hulanda a finansiá 26 mion dòler na proyektonan spe-

sial. E plaka ta bini riba nos kuenta, pero no ta nos plaka. E mester bai den proyekto i nos ta nota salida di e plaka aki komo gastu", segun Wedervoort den su splikashon den Konseho

Insular.

Manera ta konosí, BOPEC e último dos aña aki ta pasando den problema hopi serio. Último aki te asta tin beslag riba e kompania.

*Enoc Melaan lokalísá despues di 18 ora*

## Akshon grandi di búskeda den mondi

KRALENDIJK -- KMar a arma un akshon di Outoridatnan polisial i búskeda grandi djarason i



djaweps mainta, despues ku a bira konosí ku e hòmber Enoc Melaan tabata pèrdí den mondinan di Wasao, banda di e terminal di BOPEC. Despues di 18 ora a bin lokalísá e persona aki den un kondishon ku tabata rekerí atenshon médiko.

Djarason atardi Enoc Melaan i su tio Felipi a bai kue yuana den mondi di BOPEC. Manera sa sosodé mas biaha den yagmentu di yuana nan a pèrdè otro for di bista. Komo ku anochi tabata bai sera sin ku Enoc a aparesé famianan a pone polis na altura.

Binti pasá di seis djarason Kuerpo Polisial Hulanda Karibense a kuminsá un búskeda den área di Bopec di Enoc Poulino Melaan di 39 aña di edad.

Despues ku djarason anochi no a haña Enoc a suspendé e akshon di búskeda pa ayera mainta 6or. E ora ei Kuerpo Polisial Hulanda Karibense den kolaborashon ku KMar, Wardakosta, Stinapa,



Brantwer i Kadaster a reinisia e búskeda.

E búskeda pa Enoc Melaan a keda konkluí mèrdia alrededor 12.15 na momentu ku a enkontrá. A transportá Melaan pa hospital pa asina por dun'é tratamentu médiko nesario. Enoc tabata for di peliger di

bida, pero mester a sigui tratamentu nesario.

Kuerpo Polisial Hulanda Karibense i Famia ta gradisí tur instansia i grupo independiente ku a duna un aporte den e búskeda aki. Esaki ta mustra un biaha mas ku union ta hasi forsa.

### PARTISIPASHON DI MORTO

Ku hopi dolor na nos kurason, pero konforme pa loke e la nifiká pa nos, esposa, rumannan, tio, tantanan i demas famia Crestian i Rosaria ta partisipá fayesimentu repentino di

**Luguen Gregory**

**Alexander Crestian**

mihó konosi komo Oei of DJ Scorpion



**Dia i ora di entiero ta keda anunsiá despues.**



Ku onda pena nos ta partisipá fayesimentu di nos kolega

**Agnes S. Sint Jacobo**  
mihó konosí komo Signa

Na bida e tabata traha komo  
Kolaboradó di servisio di limpiesa na Facilitaire Zaken

Gobièrnu di Boneiru ta ekstendé su kondolensia na famia di e defuntu.

Gezaghebber Edison Rijna  
Sekretario suplente Gabriel van Arneman



Aña pasá Hulanda a hinka 46.5 mion dòler den Boneiru

# Peso finansiero di Hulanda hopi grandi

KRALENDIJK – E influensia finansiero òf peso di Hulanda den Boneiru ta hopi grandi. Aña pasá Hulanda a inyektá na tur 46.5 mion dòler den gobernashon di e isla aki, tantu atrabes di e asina yamá ‘vrij uitkering’ komo via diferente proyekto finansiá atraves di ‘bijzondere uitkering’. Esaki hefe di Sekshon di Finansa Dudley Wedervoort a splika den reunion di Konseho Insular. El a duna un presentashon di kon Boneiru su situashon finansiero komo

entidat públiko ta awóraki, basá riba sifranan di aña pasá.

“Nos situashon di likides aña pasá tabata stabil. Ku e likides, plaka efektivu, ku nos tin por kubri nos gastunan operashon sin problema pa dos aña. E situashon aki ta kreá entre otro pa e echo ku tin fondo ku tabata presupuestá pa usa den 2018, pero ku finalmente no a usa. Pues fondonan ku a sobra na 2018 i ku outomátikamente a pasa pa 2019”, Dudley Wedervoort a trese dilanti



den su presentashon.

Segun e funshonario di finansa mas aleu, ta importante i nesario pa mante-

né bo likides stabil, pasobra por presentá situashonnan di krísis, manera awor ku coronavírùs, ku ta pone ku bo mester tin reserva di plaka pa dil kuné.

“E solbabilidat finansiero tambe tabata stabil, den sentido ku normalmente esaki mester ta kubrí pa 40%, pero Boneiru ta na 45%, pues mas ku suficiente. Nos resultado finansiero aña pasá tabata bon i esaki a fortifiká nos reserva finansiero. Nos a presta bon”, segun Dudley Wedervoort.

“OLB tin biénes, manera edifisio, mobiliario, parke di outo, fondo riba kuantanan bankario, kliente ku debe nos. Ta trata di plaka di pueblo, ku nos ta generá na impuesto. Nos ta usa e plaka aki. Pero si sobra esaki ta bai den nos reserve, segun Wedervoort.

E propio poseshon òf kapital di di OLB ta di 108 mion dòler. Di esaki 48 mion ta plaka di pueblo, di kua 13.2 ta di kreditornan. Tin ademas 46.5 mion ku Hulanda a hinka aña pasá den Boneiru.

Diputado Elvis Tjin-Asjoe a bishit'e

# Gio Paula a skohe pa kunuku

KRALENDIJK -- Gio Paula ta un persona ku a skohe pa biba na su kunuku, situá pabou di e kunuku Punta Blanku di famia Emerenciana. Resientemente diputado Elvis Tjin-Asjoe a bishitá e kunuku na unda Gio i su esposa ta biba.

E mandatario ta kontentu di mira ku mas i mas hende, meskos ku Gio Paula, ta skohe pa bai kunuku. Nadine Emerenciana di Punta Blanku Chickenfarm, huntu ku su tata Win, a introdusí diputado Elvis Tjin-Asjoe serka Gio Paula i su esposa, nan besiaña di kunuku.

Gio, nietu di e legendario Janshi Paula, a konta kon el a yega kunuku. El a kuminsá ku arma un tèt pa kamper riba e kunuku aki, pa despues pokopoko traha

di kas di dos piso. Un parti grandi di e material ku el a usa ta kai den e pensamentu di resiklahe.

Diputado Elvis Tjin-Asjoe a eksponé su pensamentunan tokante produkshon di propio kuminda na Gio Paula. Especialmente den e tempunan turbulento aki, ku e situashon kousá pa coronavírùs, bonerianonan mester pensa mas i mas den direkshon di agrikultura, hortikultura i krio di bestia.

Naturalmente e mandatario ta konsiente di e opstákulonnan ku e kunukero mester enfrentá, manera skarsedat di awa, sekura, ladronisia i molèster di kachó ku ta mata kabritu. Ta puntonan ku nan ta tene kuenta kuné i ta buskando solushon.



**Bestia maldishoná**

Un tempu e tabata un bestia importante. Tresé aki pa spañónan, ku a import'é for di Afrika, e animal aki a bini pa sirbi e kolonisadó i e promé habitantenan di Boneiru komo un medio di transporte di tantu karga komo hende. Awe e animal aki ta rechasá, kritiká i maldishoná. Esaki t'e 'suerte' di nos buriku.

Na nivel internashonal tambe buriku semper a hunga un papel importante. Tira un bista den Beibel, e buki santu, pa tuma nota kuantu bia buriku no ta mensioná komo un animal ku a hasi su trabou ku fieldat, kargando Maria i su yu resien nasí, Hesus. Kristu mes, na grandi, hopi bia a sinta riba lomba di un buriku, entre otro hasiendo su entrada glorioso na Herusalèm.

Kasi no ta pasa un dia ku e burikunan di Boneiru no ta den diskushon. Un diskushon den kua nan no ta sali masha di bon, komo ku pa hopi hende 'sivilisá' nan a bira un molèster, un plaga, ku mester keda eliminá mas lihé posibel.

Nos, ku ta yama nos mes hende sivilisá, eduká i inteligente, ta kai den diskushon kada bes tokante e burikunan aki, ku nos komo hende a trese e isla aki pa sirbi nos, pero ku awor ku nos no tin mester mas di nan, a bira un molèster i plaga. Diripiente mester kaba ku nan, mata nan, eliminá nan.

**Niun problema**

Kisas mi ta loko, pero ami ta un di e personanan ku no tin niun klase di problema ku e burikunan aki. Mi ta asta konsiderá nan komo un patrimonio balioso di Boneiru. I mi sa ku, na momentu ku mayoria di boso kaba lesa esaki, boso lo zundra mi meskos ku boso ta zundra e burikunan aki. Dal bai!



Mi sa ku hopi lo maldishoná mi tambe i lo pidi pa un òf mas buriku sali dilanti mi outo, kousa aksidente, pa asina mi sinti kiko ta nifiká di ta embolí den aksidente ku un dje animalnan aki.

No ta problema. Boso tin mag di deseá mi esaki, pero esei lo no kambia mi opinion. Yama mi buriku mes si boso ke. Lo mi no rabia. Al kontrario, lo mi hari. Lo mi hari boso ku ta kere ku boso ta hende sivilisá.

E úniko problema ku mi tin buriku ta ku nan ta drenta kurá di Vila Maria Goretti pa bòltu kòntainer di sushi. Tambe nan a kome un mata di banana ku mi tabata lantando ku hopi dedikashon. Pero tabata mi falta,



lagando porta di kurá habrí.

**Imigrante**

No a dura masha despues ku spañónan a yega Boneiru na 1499, ku nan a kuminsá trese buriku, kabai, baka, kabritu i karné. E burikunan a bini komo bestia di karga, pa transportá entre otro awa di pos. Tur otro sorto di karga nan a transportá: sakunan di karbon, latanan di baba di sentebibu, sakunan ku fruta seku di watapana, palu seku pa kushiná, kabritu i karné, piská, fruta di kunuku, saku di salu, etc.

Hende mes tambe a usa nan komo medio di transporte, tantu sintá riba nan lomba komo sintá den garoshi halá pa e animalnan aki.

Ora ku mi papia ku hende grandinan di Boneiru, esta esnan ku a lanta den e tempu ku ainda buriku tabata tur kos, mi ta keda impresoná pa e importansia ku nan ta duna e animal aki, ku a yuda nan asina tantu den pasado, aliviando nan trabou i bida kompletu.

Un persona ku tabatin hopi problema ku e forma kon hendenan ta zundra buriku tabata Isabel Saragoza. E tabata lamentá kon, na lugá di apresia, hendenan ku no a konosé balor di nos buriku, ta despresiá e animal aki. Nèt nos tabata preparando pa hasi un entrevista ku Isabel tokante buriku el a bira malu i despues fayesé.

Awe desendiente di e hendenan dje tempu ei, ta trata desendiente di e

burikunan aki di un forma ku bo ta kere ku buriku ta e animal di mas malu ku ta eksistí riba Boneiru.

Tur sabí i sivilisá ku nos ta kere nos ta, tòg nos ta kai den tentashon pa maldishoná e animalnan aki, siendo ku ta nos mes a pone ku awendia nan ta drenta áreanan residencial pa buska kuminda. Nos a ranka for di e animalnan aki nan terenan, esta e área na unda nan por a kana, kome i bebe awa den tur tranquilidad, sin molestia ningun hende. Anto pa awe nos tira falta di tur kos riba nan.

**Bon bestia**

Burikunan tabata bon bestia. Nan tabata yuda nos hendenan di ántes. Te asta tabata eksportá buriku for di Boneiru pa islanan den Karibe, Martinique i Guadeloupe, tambe otro islanan, pa usa komo bestia di trabou den kunukunan di kaña.

Un mainta m'a eksperensia un situashon hopi doloroso. Mainta tempran mi ta mira un yu di buriku pará sprinchi sprinchi banda di su mama djs pegá ku Aeropuerto Flamingo. Masomenos tres ora despues, na e mesun sitio, mi ta mira e yu di buriku aki drumí morto dilanti su mama. Outo a alkansá e pober yu di buriku mortalmente.

Anke ku e ta bestia, bo ta puntra bo mes ki doló e buriku aki ta sinti ku morto di su yu? Mi ta kombensí ku un bestia tambe tin un kurason, un sintimentu, meskos ku hende. E tambe ta sinti doló.

M'a komprondé ku ta oranan largu e buriku a keda pará banda di su yu morto, sin duda yorando pèrdida di su yu, meskos ku kualké hende, mama, lo yora pèrdida di un yu chikí ranká for di dje.

Mi sa ku mi no por kambia nada. Lo zundra mi, maldishoná mi, meskos ku tin hende ta maldishoná e burikunan aki, pero esaki no ta kita ku lo mi sigui sali na nan defensa. Pasobra mi ta kombensí ku no ta e buriku t'e problema, sino e hende t'e problema.





Algun dia pasá m'a mira granatapel na benta den un supermerkado lokal. E preis? No, mihó mi no menshoná esaki. Mi no ke ta responsabel si bo haña un ataka di kurason. Pero tene kuenta ku no ta bou di un dòler. M'a kumpra unu, djis pa purba atrobe e sabor di un granatapel. Un dushi fruta. Pero e preis sí ta eksagerá. Ta granatapel importá. Mi no sa fo'i kua pais.

\*\*\*

Tempu ku m'a lanta den kurá di hopi kas tabatin palu di granatapel. Tin hende ku tabata bende granatapel pa un depchi. Otro hende tabata laga bo drenta nan kurá pa piki granatapel pòrnada. Manera Pochi, nos besiaña. E no tabata bende granatapel. Mi ta kòrda ku Nonochi, un prima di mi mama, sí tabata bende granatapel. Nan, e ku su esposo Yuchi, tabatin un tienda den Antriol Pariba. Nan tabata komersiante te bai.

\*\*\*

Mi no ta kòrda ku si den nos kurá di kas tambe tabatin palu di granatapel. Loke sí tabatin ta diferente palu di shimaruku, pa straño ku parse kada un ku diferente smak i grandura. Mi no a komprondé esei nunca. Pues nan no tabata famia di otro.

\*\*\*

Tambe tabatin, den kurá di nos kas, ta palu di lamunchi. Awendia nan ta papia di lamunchi krioyo. E tempu aya sinembargo ta simplemente lamunchi. Lamunchinan rondó rondó i koló hel. Anto kankan di awa. Mi no ta mira nan mas. E lamunchinan importá no por kompetí ku nos lamunchinan (krioyo) dje tempu aya. Mi ta puntra mi mes na unda e rasa di lamunchi a bai. Loke mi ta kòrda ta ku pispis a kue esnan den kurá di nos kas na Antriol. Mi mayornan a trata di tur forma pa skapa esun último (tabatin diferente) ku a keda den kurá. A purba basha awa di habon riba e blachinan pa eliminá e pispis, pero esaki no a yuda.

\*\*\*

Loke tambe tabatin den tur kurá tabata matanan di yerba di hole, kreina, lamungras, sangura, mampuritu, sèlder, orégano, tomati, promèntè, promentòn etc. Awendia nos ta bai supermerkado pa kumpra vários di e produktonan aki. Nos a bai dilanti, pero nos a bai atras.

\*\*\*



# EDITORIAL

## Na unda rèspèt a keda pa nos lidernan?

Nos grandinan a lanta nos ku rèspèt. Rèspèt pa nos lidernan, rèspèt pa nos mandatarionan, rèspèt pa nos próhimo, rèspèt pa tur hende, rèspèt pa nos mes. Rèspèt semper a figurá na un lugá prominentemente den e pakete di norma i balor ku esnan ku a bai promé ku nos a laga tras pa sigui ta e guia den nos trayectoria di bida.

Nos grandinan a siña nos pa no yama hende grandi 'bo'. Tampoko un mandatario òf lider di komunidad, sigur nò lidernan religioso. Mester yama nan na nan nòmber.

Sinembargo nos grandinan a bai òf ta bayendo pokopoko i ta lástima ku mas i mas mester konstatá ku no ta sigui nos nan konsehonan. E idioma i ekspreshonnan ku hopi di nos ta usando, usando palabra bulgar i malu, kontra otro ta tristu.

Ku atenshon nos ta sigui por ehèmpel e konferensianan

tokante coronavírùs na Kòrsou. E forma arogante, brutal i ònbeskòp ku algun periodista ta dirigí nan mes na e mandatarionan ta for di tur proporsjon. No por!

Na Boneiru tambe por ripará e tendensia aki serka algun aktivista ku ta usa e Plataforma di media sosial pa ventilá nan frustrashon, lastrando sierto mandatarionan, keriendo ku si nan usa palabra i idioma bulgar asina, esei ta hasi nan mas hòmber i mas muhé.

Tuma ehèmpel riba Burney el Hage. E persona aki ta komuniká manera hende ku hende. Yama bo na bo nòmber. Meskos ta e kaso ku James Kroon, Elvis Tjin-Asjoe i Nina den Heyer, e diputadonan aktual.

Si bo no ta di akuerdo ku nan maneho, kritiká nan, pero na manera al kaso i desente. No hasi ku otro loke bo no ke pa otro hasi ku bo!

*Kontròl na sitio di konstrukshon*

## No tabatin trahadó ilegal

KRALENDIJK – Direktorado di Supervishon i Mantenshon di Lei, Kuerpo Polisial Hulanda Karibense i Inspekshon di Labor konhuntamente a realisá un kontròl grandi di labor. Riba djamars 19 di aprel nan a kontrolá un sitio grandi di konstrukshon na Playa. Direktorado di Supervishon i Mantenshon di Lei, Kuerpo Polisial Hulanda Karibense i Inspekshon di Labor tur a kontrolá a base di e leinan ku nan ta supervisá.

Direktorado di Supervishon i Mantenshon di Lei a kontrolá a base di lei di estableimentu. Un kompania no tabata den posesjon di un pèrmit di estableimentu. Ku énfasis a pidi e kompania aki pa stòp inmediatamente ku su trabounan. Te ora ku su papelnan ta na òrdu e por sigui ku e trabounan atrobe. Direktorado di Supervishon i Mantenshon di Lei ta kontrolá strukturalmente si kompanianan tin un pèrmit di estableimentu. Un kompania sin un pèrmit di estableimentu no por ta aktivo.

– papel bálido. Por lo tantu no tabatin kestion di trabou ilegal. E yunan di Kòrsou ku nan a enkontra einan a bini Boneiru djis promé ku e medidanan di karentena. Nan ta trahando ainda dentro di e término liber di tres luna.

Durante e kontròl no a topa ku estranhero sin

### DISIDÍ

Skritura: 1 Tesalonisensenan 5: 12-24  
"sea gradisido den tur kos; pasobra esaki ta e boluntat di Dios pa boso den Cristo Jesus." v.18 (BS)

Awe e señora kòrtiku i elegante di 92 aña, ku tur mainta for di 8 or ta bon bistí i na moda, peñá, perfumá i makiá, ta muda i ta bai biba na un kas di ansiano. Resientemente su esposo a fayesé, i esaki a motiv'é pa muda.

Despues di warda pa algun ora ku masha pasenshi den e sala di resepsjon, el a hari kariñosamente ora ku nan a bis'é ku su kamber ta kla. Miéntras ku e tabata move den direkshon di e left, nan a dun'é un deskripsjon detayá di su kamber chikí, inkluyendo e kortinanan kologá dilanti di su bentananan. "Mi gusta nan!", el a bisa yen di entusiasmo, manera un mucha di ocho aña ku nan a kaba duna un maskota.

"Señora Jones, bo no a mira e kamber ainda ...". "Esei no ta importá", el a kontestá. "Felisidat ta algu ku bo ta disidí segun tempu. Si mi ta gusta mi kamber òf nò, no ta dependé di kon e muebelnan ta prepará, ta dependé kon mi a prepará mi mente." Dios ta deseá ku nos tin un aktitut di gradisimentu den tur loke nos hasi i papia. Ora nos ta gradesido, nos ta mas felis i tin mas satisfakshon den bida. 'Ami a disidí ku mi ta gusta e dia', ta e desishon ku mi ta tuma tur mainta. Mi por skohe, pa pasa e dia na kama murmurando tokante tur e difikultatnan ku mi tin na mi kurpa ku no ta funshoná bon, òf mi ta lanta i ta gradesido pa e partinan ku sí ta funshoná. Kada dia ta un regalo, i miéntras mi wowonan ta habri, mi ta enfoká riba e dia nobo i ta hasi rekuerto di memorianan bunita.

Carlos Cárdenas, Colombia  
Danki Dios pa e dia nobo akí!

Saká for di: Alimento Pa E Alma, un produkshon di Trans World Radio Bonaire.

èxtra  
...number 1

www.extraboneiru.com

Win Emerenciana rekordando su infansia

# Kunuku di Punta Blanku

KRALENDIJK -- Punta Blanku, kunuku di famia Emerenciana, tabatin hopi importansia pa e famia aki. Andres (Chitu) i su esposa Romana Emerenciana a usa nan kunuku pa planta maishi, frutanan di ranka i bèrdura, tambe kria kabritu i galiña. E kunuku aki, kontrario na hopi otro kunuku na Boneiru, no a bai 'pèrdí'. Edwin (Win) Emerenciana a sòru pa esakli.

"E kas òf rancho di nos



*Chitu Emerenciana, tata di Win.*

kunuku tabata situá na e trankera pabou. Pues no kaminda nos kas ta aworakí, esta parti pariba", Win Emerenciana a konta.

Emerenciana a splika ku su tata Chitu tabata kere hopi den agrikultura i krio di bestia. Komo empleado di gobièrnu despues el a dediká hopi atenshon na plantashi Aruba. Tabata produsí hopi bèrdura i fruta na Aruba.

Win Emerenciana a splika i mustra diferente sitio i opheto importante na kunuku Punta Blanku ku a hunga un papel importante den e eksistensia dje kunuku. Por ehèmpel e plenchi na unda tabata bati maishi pa warda den mangasina, di kua solamente algu di e fundeshi a keda. E plenchi sí ta den bon kondishon ainda.

Un opheto importante tambe ta un drùms ku Chito tabata usa pa kushiná sentebibu. Esaki ta un opheto di balor históriko importante, komo ku mayoria bes tabata kushiná sentebibu den weanan grandi den plantashi òf kunukunan

grandi. Por ehèmpel na situá pegá ku Punta sentebibu ku wea grandi. kunuku di Pedon de Palm, Blanku, tabatin un fòrnu di



*Baki di awa pa bestia bebe awa. Win aki huntu ku su yu Anthony Emerenciana.*



*Plenchi di bati maishi na kunuku di Punta Blanku. Banda di dje fundeshi ainda di e mangasina.*



*Den e drùms aki Chitu Emerenciana tabata kushiná sentebibu na kantidat chikitu.*

AS OF MAY 25TH, 2020

## OPENING HOURS

Customer Service &amp; Cashier

Monday - Friday:

08.00 to 10.00 for 60+

10.00 to 16.30

for all ages

Kla Store

Monday - Friday:

08.00 to 10.00 for 60+

10.00 to 12.00

13.30 to 16.30

for all ages

Helpdesk

Monday - Friday:

08.00 to 10.00 for 60+

10.00 to 17.00 for all ages

17.00 to 19.30 reachable by phone

Saturday:

09.00 to 12.30 for all ages

*E 'normal nobo' pa kas di grandi 'Kalor di Hogar'*

# A kuminsá risibí bishita di famia

KRALENDIJK- Kas di Grandi 'Kalor di hogar' tambe ta kla pa e era despues di Covid-19. Despues di un temporada sumamente intensivo nan a kuminsá prepará pa e 'normal nobo'. "Tabata un situashon hopi preokupante pa nos. Nos klientenan ta kai bou di e grupo vulnerabel", segun e kordinadó. Nos a haña hopi informashon i atenshon di parti di gobièrnu". Asina Alyatte Quirindoongo di 'Kalor di Hogar' a bisa. Nan a haña bishita di diputado Den Heyer.

E fundashon tin kapasidat pa 15 persona i aworakí nan tin 9 grandi ku ta hañando kuido serka nan. Nan tin total 10 kolaboradó den servisio. E krisis di co-

rona no tabatin konsekuensia finansiero pa e fundashon.

Segun e ordenansa di emergensia, nan tambe a sera porta pa bishitante-nan. Famianan tabatin kontakto ku nan ser kerí via yamada di video òf telefòn.

Awor nan ta aliviando e medidanan, pero ku koutela. Entrante 10 di mei último nan a kuminsá risibí bishita. Solamente 2 familiar por bini, pa evitá aglomerashon. Tambe nan ta keda vigilá e distansia obligatorio di 1,5 meter.

"Ta hopi fèrfelu pa nos grandinan pa mantené distansia sosial. Nan a kustumá di hasi aktividat huntu. Nos mester keda

konstantemente rekordá nos pashèntnan di Alzheimer pa no yega muchu serka di otro".

Loke a bira normal pa nan, ta e medidanan di higiena èkstra. Tur persona ku drenta e edifisio mester hunta 'handsantizer' na porta. Na momentu ku bo ta bai tambe ta duna bo e djèl aki pa garantisá higiena.

"Mi por bisa ku seguridat ku loke nos konosé komo 'normal' nunca mas lo bini bèk", Alyatte Quirindoongo ta bisa.



**Hasi petishon pa pakete di kuminda pa kas di famia den nesesidat?**

**yudami@bonairegov.com òf 0800-1351 (grátis)**

Menshoná por favor: nòmber i fam, number di telefòn i motivashon di petishon.

Protehá bo mes i esnan rondó di bo

**huntu kontra corona**

# Dushi tempu bieu



Riba e potret tin di robes pa drechi: Luis 'Wichi' Muller (q.e.p.d.) i Arsenio 'Cheno' Thomas (q.e.p.d.)

## Programanan di Bonaire.tv

Telbo kanal 70  
Flamingo TV kanal 23

Djabièrnè 22 mei

**12:00 MNB:**  
Hans Voerman  
**13:00 Aki Boneiru:**  
Cees Luckhardt charla 1part  
**14:00 Herensia:**  
San Juan 'SKAL' 2016 i  
Petra Cecilia  
**15:00 Dokumental:**  
80 Aña Aviashon na Boneiru

**16:00 Herensia:**  
Nerio Mercelina i  
Leticia Mercelina-Thielman  
**17:00 Dokumental**  
WEB "40 aña"  
**18:00 Herensia:**  
Robert i Edith Strauss Indonesia  
**19:00 BAPA:**  
Gielmond 'Funchi' Eybrechts

**20:00 Herensia:**  
Francisco Hedwigus  
'Eddy' Molina  
**21:00 Aki Colombia:**  
Sprockel  
**22:00 Herensia:**  
Hubert Anthony  
**23:00 BAPA:**  
Robert Statie

**Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.**



# Hende di Boneiru

## NEMENSIO



Nemensio Agustin Winklar a nase dia 31 di òktober 1927 na Boneiru. Ta un di e Rinconeronan di mas konosí, kantante, ku a sòru huntu ku Grupo Watapana pa hasi e muzik krioyo di Boneiru hopi popular na tantu Boneiru, Kòrsou komo Aruba. For di chikitu Nemen-

sio tabata kana den pia di e kantadónan di simadan, San Wan i San Pedro, tambe barí. Su tata mes tambe, Ricardo Winklar, tabata un kantadó di e kantikanan krioyo aki. Ricardo, wardadó di torno, a muri den un aksidente ku a sosodé na e torno di Seru Bentana, ora ku welek a dal den e faro.

Nemensio a bira siegu tempu despues ku el kaba di hasi kuarenta aña. Pokopoko su bista a bai atras, te na momentu ku e no por a mira nada mas. El a bai Kòrsou un temporada pa siña kon atendé ku e desabilitat aki na Sosiedat di Siegunan. Nemensio a sigui kanta e tempu ei i a traha entre otro e piesa 'Sentimentu di un Siegu'. El a bira konosí komo 'El Ciego Maravilloso' ora ku su strea komo kantante a kuminsá subi.


Durante un periodo Nemensio a rancha i piska na Playa Frans, no opstante ku e ta siegu. Nan sa bisa ku for di ora ku e pega un piská e tabata sa kiko el a pega. E mes tabata kita e piská for di anzue, pone as i sigui piska.

Promé ku el a bira siegu Nemensio a traha hopi bia komo peon pa gobièrnu. Mas aleu el a yega di traha tambe pa Vieira & Sons i Albo/Bohama komo peon.

# MONCHI & TONCHI

Ta parse ku coronavírùs aki a trese barba bèk den moda. Gezaghèbu mes tin barba awor.

Awèl sí. Hopi hende grandi den historia tabatin barba. E ke bira grandi den historia.



## KOLOFÓN

Editor Extra-Boneiru i Boneriano  
Bonaire Communication Services N.V.  
Kaya Irlanda# 12, Tel. 717-8482  
E-mail: [extrabon@gmail.com](mailto:extrabon@gmail.com)  
Wèpsait: [www.extraboneiru.com](http://www.extraboneiru.com)

**Direktor-hefe di redakshon**

Bòl Antoin  
786-6818

e-mail:

[b.antoine.extra@gmail.com](mailto:b.antoine.extra@gmail.com)

**Ko-direktor**

Shirley Martis

785-3824 / 796-3824

e-mail:

[shirleymartis2001@hotmail.com](mailto:shirleymartis2001@hotmail.com)

**Redakshon**

Papi Antoin

(redakshon final)

Selular 700-0145

Ludovico Nicolaas  
786-7978

Ibi Piar (deporte)

786-0200

**Reportero-Fotógrafo**

Rincon

Crusita Thielman

796-1236

**Aviso**

Davienuska janga

[avisobon@gmail.com](mailto:avisobon@gmail.com)

**Layout**

Davienuska Janga

Yair Hormechea

*Deboshon no ta notabel masha mas na Boneiru*

# Proseso beatifikashon Dr. Jose Gregorio Hernandez a aselerá

KRALENDIJK -- Na Venezuela n'e momentunan aki por ripará ku e proseso pa yega na beatifikashon di Dr. Jose Gregorio Hernandez, di manera ku e ta bira un santu ofisial di Iglesia Katóliko, a drenta un etapa aselerá. Siman pasá tabatin diferente aktividat spesial den diferente parokia na Venezuela, kompañá pa hopi okashon, pa logra ku Vaticano ta proklamá Dr. Jose Gregorio Hernandez komo santu.

Mas ku un aña outoridatnan eklesiástiko a studia e milager atribuí na interseshon di Dr. Jose Gregorio Hernandez den rekuperashon di Yaxury Solórzano Ortega di 13 aña, kende ta biba na Manga Coveras, munisipio di Guayabal, estado Guárico.

Dia 10 di mart 2017 Yaxury, kende e tempu ei tabatin 10 aña, a risibí un disparo di bala den su kabes den zona temporetal banda drechi. Esaki a sosodé na momentu ku delinkuentenan kier a hórta su tata. For di un distansia e mama a skucha tiru i a kore bai n'e sitio i a hañ'é ku e esena lamentabel. Ku gritu el a pidi su otro yu muhé pa hiba Yaxury na Guayabal, estado Guárico, i esaki na su turno, a pidi un ambulans pa

hib'é hospital di San Fernando ku ta keda na Apure.

**Petishon na Dòktor**

Despues di un aña, e mama a komentá n'e dòkter ku a trata su yu, esta e neuro-siruhano Alexander Krinitzky, ku ora nan tabata operá e yu, el a pidi Dr. Jose Gregorio Hernandez ku hopi fe pa interседé dilanti di Dios pa salú di su yu. E ta sigurá ku di un manera inmediato el a sinti presensia di Dòktor. E ta sigui kontakta ku el a sinti un man riba su skouder i un bos a bis'é: 'Keda trankil, tur kos ta bai sali bon!'

Apesar di tur difikultat, a logra hiba Yaxury na siudat di San Fernando de Apure, kaminda e dòkternan di emergensia pediátriko i di kuido intensivo di hospital Pablo Acosta Ortiz (Hpao) a atend'é. Despues a traslad'é pa un sentro privá di salú, kaminda dr. Alexander Krinitzky i su ekipo a oper'é. Despues a manda Yaxury bèk kuido intensivo di Hpao p'e por rekuperá kompletamente.

**E insidente**

"E tata di Yaxury a trata di hui dor di bira su skuter, pero e delinkuentenan a tira i Yaxury a risibí e bala. Nan a operá Yaxury un dia



*Dr. Jose Gregorio Hernandez.*

despues di e insidente. Nos a risibí den sala di operashon, e tabata tur na tubu i fo'i tinu. Nos a práktika sirugia di kontròl di daño", e dòkter a sigui relatá.

"A kuminsá haña evidensia di e milager despues ku mama i yu a presentá na mi konsultorio algun dia despues di operashon. Yaxury tabata kana i sonrei, sin komplikashon", dr. Krinitzky a relatá.

Den un klínika privá a hasi un operashon hopi delikado ku Yaxury, ku segun ekspertonan den área médiko, tabata imposibel pa salba su bida, pasobra e bala ku el a risibí a pone pèrdè e masa encefáliko i vários wesu. Apesar ku e dòkternan ku a trata Yaxury a dun'é poko probabilidadat pa biba, e rekuperashon di e hóben tabata eksitoso i despues di algun dia di operashon, el a rekuperá satisfaktoriamente sin komplikashon médiko.

**Pronóstiko**

E pronóstiko di e dòkternan pa Yaxury no tabata faborabel, ya ku e lo a keda ku problema pa move i algun otro defisiensiencia. Sin embargo despues di 20 dia el a sali di hospital kanando i sin ningun daño korporal ku ta keda komo konsekuensiencia di e tiru ku el a risibí. E no tin daño neurológiko, e ta papia normal.

Tur spesialisista ku a atendé Yaxury ta na bida, a entrevista kada un pa rekonstrukshon di e echronan i a rekohé nan testimonio i prueba valioso pa demostrá ku ta un milager a tuma lugá.

E shete dòkternan di Vaticano a ratifiká esaki i a komprobá e milager ku ta hiba dr. Jose Gregorio Hernandez na kaminda pa beatifikashon. E famia di Yaxury ta sigur ku e fe den dr. Jose Gregorio Hernandez a logra konvertí un tragedia den un milager.

**Boneiru**

Na Boneiru a kuminsá den segundo mitar di dékada sesenta un akshon pa logra beatifikashon di Dr. Jose Gregorio Hernandez. E persona tras di e movimentu aki tabata Jose C. (Nene) Provence. Dia 26 di òktober 1968 a inougurá

un busto di Dòktor den kurá di kas di Provence den Antriol Pariba. Algun aña despues a pone un busto tambe na Rincon.

Hopi aktividat tabata tuma lugá na e sentro di peregrinashon na Antriol. Tabata bini tambe gruponan di deboto for di tantu Kòrsou komo Aruba.

Despues ku Nene Provence a fayesé deboshon na Dòktor a baha hopi. E busto i kapia a keda bandoná. Último añanan ta solamente den cuadro di "Bondoet" a hasi algun akshon di limpiesa na tantu e kapèl na Antriol komo e busto chikitu na Rincon.

*Despues di aprobashon di mas ku 97% di su tenedónan di bono*  
**Digicel Group One Limited ta implementá rekonstrukshon**


KRALENDIJK -- Na komienso di aprel 2020, Digicel a anunsiá algun aktividat di refinansiamentu, ku na momentu ku esaki keda kompletá lo fortifiká su estado finansiero reduciendo su debe ku 1.7 bion dollar, eksteniendo e tempu di pago i redusí nos gastunan aktual di finansiamentu.

Despues di e gran sosten di su kréditoran pa e proposishon risibí, Digicel ta aktualmente den e proseso atministrativo ku ta keda rekerí. Komo tal, e kompania ke anunsiá e detayenan di un areglo optené den korte di Bermuda relashoná ku "Digicel Group One Limited", ku ta puramente un kompania

intermediario.

E areglo aki tin sosten mas ku 97% di Digicel su tenedónan di bono i ta impliká tambe nombra mentu di profeshonalnan den e materia ('voorlopige vereffenaars') ku di un manera adekuá lo supervisá e implementashon di e areglo.

Ta importante pa suprayá ku e areglo aki no tin niun impakto riba Digicel Boneiru su operashonnan diario, su empleadonan, proveedónan, klientenan òf kualke aspekto di nos aktividatnan aktual- tur kos ta business as usual. Nos lo duna mas informashon na momentu ku tin mas desaroyo.



*Busto di Dr. Jose Gregorio Hernandez den Antriol Pariba.*

**Servisio na lugánan alehá**



*Servisio postal ta sigui te na sitionan alehá manera Punta Blanku. Reporteronan di e korant aki a topa ku e djip aki di e kompania ku ta atendé ku servisio postal entregando karta te na Punta Blanku, ku ta un área hopi alehá. Bon servisio.*



# Ayrton Cicilia a firma ku "Prestige Sport" pa 2 aña

KRALENDIJK—E astro boneriano ku ta Ayrton Cicilia, a firma ku "Prestige Sport" pa 2 aña, esaki rumbo pa su karera profesionalismo den futbòl.

Prestige Sport ta un "zaakwaarnemers bedrijf" ku ta regla asunto di "team"nan profesional pa hungadónan na Inglatera, Alemania, Portugal, Merka, Spaña i hopi mas.

Nan tin un hungadónan ku ta hungando pa FC Barcelona di Spaña, Philadelphia Union na Merka, SC Braga di Portugal, tambe unu na Inglatera ku ta hunga pa "Huddersfield Town.

Asina tin hopi mas ku ta

hunga afó i ku ta hungando profesional. Aworakí nan ta bezig tratando pa laga Ayrton bai Inglatera òf Portugal den un di e liganan mas haltu.

Di parti di ATIP (Anything is Possible Soccer Avademy) di akuerdo ku sr. Jermaine Windster, a tuma kontakto ku nan pa un reunion.

Jermaine Windster a bai ku Ayrton na nan ofisina pa papia mas ku 3 ora promé ku nan a firma e siman despues.

Prestige Sport ta mira Ayrton komo un hungadó ku por yega leu den futbòl profesional.

Momentu ku e krisis di



"corona virus" pasa òf baha poko, nan plan ta pa Ayrton pasa dirèkt pa un di e timnan profesional.

Ayrton a demostrá su talentonan na Hulanda asina bon ku nan ke bai un stap mas leu kuné, no Hulanda so pues pero nan

ke bai "BIG LEAUGE" aworakí, pafó di Hulanda pues.

ATIP tambe a bira e partner oficial di "Prestige Sport" den e islanan ABC.

ATIP awokí por skout muchanan ku tin e talento pa nan tambe sigui den

Ayrton su kaminda, hungando bala den un di e liganan grandi den Europa.

Ayrton aworakí ta bezig ta trein na Hulanda te na momentu ku futbòl sigui na e otro paisnan pa e por bai sigui su soño.

## Enkuentro positivo ROA-CN



### Anibel General Contractors B.V.

ta buska

- \* 10 metselaar
- \* 5 timmerman
- \* 5 schilder
- \* 5 electricien

Pa mas informashon por yama telefon

**700-3678**

*E mènèdjer di tim di Jobcenter Bonaire Susan Willems i konsehero di maneho di Sosten Sosial i Labor (MOA-OLB) Yajaira Nicolaas, tabatin un enkuentro positivo tokante posibel koperashon den futuro serkano. Foto ta muestra e personanan ku a partisipá den e enkuentro.*

*Milisia di Karibe ta reklutá militar pa Aruba i Kòrsou*

# Pakiko bonerianonan no por drenta servisio militar?

KRALENDIJK – Pakiko hóbennan boneriano no por drenta servisio militar hulandes? Extra sa di hóbennan di e isla aki ku kier a drenta servisio militar, pero nan no ta haña e oportunidat. Mientrastantu Milisia di Karibe (CARMIL) a anunsiá den un komunikado di prensa e siman aki ku pa 2020 tin atrobe 25 espasio pa estudio pa e Formashon Militar Elemental (EMV Elementaire Militaire Vorming). E estudio ta nesario pa keda apuntá komo Militar na Aruba of Kòrsou. Esakinan ta mihó konosi komo ARUMIL òf CURMIL.

## Antmil

Desde fin di añanan sesenta tabata eksistí posibilidat pa hóbennan boneriano bai kumpli ku servisio militar obligatorio. Despues sin embargo ku Hulanda a abolí loke nan ta yama 'dienstplicht' di mes no tabata posibel mas pa nan a sigui preparashon militar.

E promé grupo di hóbennan boneriano a bai servisio militar obligatorio – e tempu ei Antmil – a bai Kòrsou. Pero djis despues a kambia pa Aruba, na unda riba e isla ei algun boneriano a forma e asta promé kader antiano.

Te na 1985 Aruba a keda e base (kazèrne di Savaneta) pa hóbennan di Boneiru kumpli ku nan servisio militar obligatorio. Despues ku Aruba a drenta status aparte na yanüari 1986 a kambia atrobe bèk pa Kòrsou, te na momentu ku Hulanda a abolí 'dienstplicht'.

## Deseo

Anke ku a abolí servisio militar obligatorio na Hulanda, e ultimo añanan na vários okashon a pregunta a surgi ta dikon nunka a krea e oportunidat pa hóbennan boneriano, eventualmente tambe di St. Eustatius i Saba (BES)

solisitá pa bira milisiano. A kaso e islanan aki no ta munisipio hulandes?

Pa hopi hóbennan servisio militar ta atraktivo, aventurístiko, ademas nan ta haña un bon salario i disciplina. Tin di nan tin deseo real pa defendé nan pais, pero no ta haña e oportunidat aki.

## Petishon pa reakshon

For di aña pasá Extra ta purbando di haña reakshon oficial di Defensa tokante e echo ku no ta habri posibilidat, manera ta hasiendo esaki awor na Aruba i Kòrsou, pa hóbennan boneriano bira milisiano. Extra a manda e-mail, a bini reakshon enberdat ku a risibí e-mail, pero te awe niun reakshon, pa awor nota ku ta reklutá hóbennan na Aruba i Kòrsou pa bira milisiano.

Segun e komunikado ku Defensa a saka djarason, despues di terminá e estudio i un bon funshonamentu, ta posibel pa e milisianonan sigui bai diferente funshon den rango mas haltu. Esaki por ta den un funshon di komandante di grupo (peloton bèrdè), komandante (peloton blou), instruktur na e departamentu di enseñansa, enfermero militar general, Instruktur deportivo òf instruktur di téknikanan di tiru i aresto.

Nombramentu den funshon di pais ta te ku 30 aña, pero tin posibilidat pa despues sigui ku un karera na Hulanda den Defensa.

E eksigensianan ku kua esnan interesá mester kumpli ku ne pa kuminsa ku e estudio di EMV ta entre otro: entre 18 i 24 aña di edat; i inskribí komo residente na Kranshi Registro Sivil Aruba i Kòrsou; nashonalidat hulandes.

- Bo tin minimal un diploma di VSBO (Curaçao)/ EPB 'Doorstroom' (Aruba), (mbo4 of havo pa Ofisir);

- Bo tin un kondishon físiko bon i por



landu. Un tèst di di landamentu i kondishon ta parti di e eksamen;

- Bo ta dominá idioma Hulandes i Papiamentu bon. Pa esaki lo bo hasi un eksamen oral i por eskrito.

Pa ambos pais tin dlanan planiá pa informashon i selekshon, pa esnan ku ta interesá. Despues ta posibel pa meldu pa e estudio di EMV. E estudio EMV ta kuminsa e aña aki dia 24 di ougustus 2020. E estudio

pa bira Militar na CARMIL ta dura un aña. Despues di finalisá e estudio bo ta keda apuntá den e pais kaminda bo ta inskribi na e registro sivil.

Dia di informashon i selekshon: 2, 4, 9 i 11 di yüni 2020 (di 06:00 or te 14:00 or (inkluso pousa pa kuminda mèrdia) na Marinekazerne, Aruba

Dia di informashon Kòrsou: 28 di mei 2020 (seshon 1 07:30 or te 09:30

or i seshon 2 10:00 or te 12:00 or) na Marinekazerne Suffisant, Kòrsou. E kùrmentu ta sigui riba termino kortiku.

Dia di duna informashon/selekshon Aruba ta bai via werving.arumil-@mindef.nl, pa Kòrsou esei ta werving.curmil-@mindef.nl. Ta tene kuenta ku e restriksionnan di Corona. No ta posibel pa bin ku un invitado.

## Servisio 'Puntra pa bo sa'

KRALENDIJK -- Entrante 4 di mei FORMA a habri un lokèt di informashon 'Puntra pa bo sa'. Esaki ta un servisio kaminda e siudadano por yama, what's app òf pasa personalmente (Playa i Rincon) pa hasi su pregunta relatá ku servisio nan i informashon relatá na e situashon di krísis kousa pa e vírus COVID-19, asina yama Corona Virus.

FORMA ta informá ku djabièrnè 22 di mei 'Puntra pa bo sa' no ta na Rincon. Djabièrnè 29 di mei si FORMA ta na Rincon, 9:00-11:00 mainta. Na ofisina di Entidat Públiko (OLB). Djaluna 25 di Mei por pasa tambe na FORMA, pa e servisio di 'puntra pa bo sa'.

Bo tin formulario pa

yena? Bo ke registrá pa yudá mi? Òf bo tin kualke pregunta den e situashon di COVID-19? Pasa libremente na FORMA, durante e ora di 'puntra a bo sa'. Tambe por yama òf what's

app na number 7857314, di djaluna pa djabièrnè entre 8:00-17:00. Pa registrá pa sosten pa paga hür, WEB i internèt, mester di bini ku kontrato di hür, resibu di WEB i internèt.

## Flavel Maduro hefe di komunikashon

KRALENDIJK -- Flavel Maduro ta bai bira hefe di e departamentu di komunikashon di gobièrnu di Boneiru. E departamentu aki ta algun tempu kaba sin un hefe. Den e lunanan tras di lomba Loeki Nicolaas a dirigí e departamentu temporalmente.

Flavel Maduro ta un persona ku trayectoria largu den periodismo i asuntu-

nan di komunikashon. El a traha den media tantu na Hulanda komo Kòrsou. Na Hulanda por ehèmpel e tabata traha ku e programa radial Tambú, dirigí riba antianonan bibá na Hulanda.

Por komprondé ku Flavel Maduro ta asumí su tarea komo hefe di komunikashon na luna di yüni awor kaba.



ENTIDAT PÚBLIKO  
**BONEIRU**



Rijksdienst Caribisch Nederland

## Numbernan Importante | Sosten sosial pa famia

*Riba dianan di trabou, durante orario di ofisina*



Bo tin pregunta tokante vírùs di corona na Boneiru?

[rijksdienstcn.com/covid-19](https://rijksdienstcn.com/covid-19)  
0800-1351 (grátis)



Bo ke papia tokante di strès na kas òf tokante kon pa atendé ku yu?

**Sentro pa Hubentut i Famia**  
701-5257



Bo ta preokupá pa seguridat di mucha?

**JGCN**  
715-7201



Bo ke papia ku un trahadó di Tim di Bario?

**Tim di Bario**  
717-1714



Bo famia mester di un pakete di kuminda? Of bo no por paga akohida pa mucha, WEB, hür (di kas), internèt mas?

[yudami@bonairegov.com](mailto:yudami@bonairegov.com)  
0800-1351 (grátis)



Bo mester di ayudo ku lesa, skirbi òf yenamentu di papel?

**Fundashon Forma**  
+599 785-7314 (yama òf WhatsApp)



Pa notifikashon agudo di violensia doméstiko, abusu di mucha òf otro situashon di emergensia.

**YAMA 911**

(semper alkansabel)



Bo ta víktima di kualke echo kastigabel pa lei i bo mester di sosten emoshonal?

**Ofisina Yudansa  
Pa Víktima**  
717-6181

Protehá bo mes i esnan rondó di bo

**huntu kontra corona**